

唐詩歸第十七卷目錄

盛唐十二

杜甫

前出塞

又

後出塞

新安吏

無家別

義鶻行

又

又

又

新婚別

留花門

畫鶻行

又

又

又

垂老別

彭衙行

奉贈韋左丞

淺草文庫



唐詩歸 卷十七目錄

丈二十二韻

贈衛八處士

贈蜀僧間丘師兄

有懷台州鄭十八

虔司戶

宿青谿驛奉懷張員外十

五兄之緒

示從孫濟

夢李白二首

又

同元使君春陵行

太子張舍人

遺織成褥段

送率府程錄事還鄉

送重表姪王砮評事使南海

同諸公登慈

恩寺塔

白水縣崔少府十九翁高

齋三十韻

贈太子太師汝陽郡王璣

唐詩歸第十七卷

景陵

鍾

惺伯敬

譚元春友夏

同選定

盛唐十二

杜甫

鍾云讀老杜詩。有進去不得時。有出來不得時。諸體有之。一篇有之。一句有之。○又云讀初盛唐五言古。須辦全副精神。而諸體分應之。讀杜詩。須辦全副精

神而諸家分應之觀我所用精神多少
分合便可定古人厚薄偏全

○前出塞

出門日已遠不受徒旅欺鍾云此句承日已遠妙實在此境
肉恩豈斷男兒死無時鍾云心酸走馬脫轡頭手
中挑青絲捷下萬仞岡俯身試塞旗

○又

送徒既有長遠戍亦有身鍾云三字妙亦字悲甚下二句從此生
生死向前去不勞吏怒嗔鍾云真勇志真勇路逢相識人

附書與六親哀哉兩決絕不復同苦辛

譚云亦復厚

○又

迢迢萬餘里領我赴三軍軍中異苦樂主將寧
盡聞將口便此語出主隔河見胡騎倏忽數百羣
我始為奴僕幾時樹功勳譚云真悲憤鍾云熱中

○又

挽弓當挽強用箭當用長射人先射馬擒賊先
擒王鍾云此四句與下四句非兩層擒斬中正
也治殺人亦有限立國自有疆苟能制侵陵豈在

多殺傷譚云仁義節制之師

○又

單于寇我壘，百里風塵昏。雄劍四五動，彼軍為我奔。虜其名王歸，鍾云挺動繫頸受轅門潛身備行列。一勝何足論。

○又

從軍十年餘，能無分寸功。眾人貴苟得，欲語羞雷同。鍾云豪傑志槩聖賢心腸中原有鬪爭，況在狄與戎。丈夫四方志，安可辭固窮。

鍾云出門激烈至此却敦厚出門是士卒氣象至殺人亦有限一勝何足論眾人貴苟得等語便是大將軍氣象矣

○後出塞

朝進東門營，暮上河陽橋。落日照大旗，馬鳴風蕭蕭。鍾云蕭蕭馬鳴經語也加一風字便有颯然邊塞之氣矣平沙列萬幕，部伍各見招。中天懸明月，令嚴夜寂寥。悲笳數聲動，壯士慘不驕。借問大將誰，恐是霍嫖姚。鍾云出塞前後于鱗獨收此首孟浪之

極應為落日照大旗等句與之相近耳。蓋亦悅其聲響而風骨或未之知也。

○又

獻凱日繼踵。兩蕃靜無虞。漁陽豪俠地。擊鼓吹笙竽。雲帆轉遼海。秔稻來東吳。越羅與楚練。照耀輿臺軀。鍾云亂世將卒實有此事。唐天寶以後尤甚。主將位益崇。氣驕凌上都。邊人不敢議。議者死通衢。譚云隱痛。

○又

我本良家子。出師亦多門。將驕益愁思。身貴不

足論。

鍾云好心腸。可將可相。

躍馬二十年。恐辜明主恩。坐

見幽州騎。長驅河洛昏。中夜聞道歸。故里但空

村。惡名幸脫免。窮老無兒孫。

譚云脫此入彼。愁苦命相。有不敢怨

尤之意。鍾云不敢怨尤。窮苦人可憐。正在於此。

○新安吏

客行新安道。喧呼聞點兵。借問新安吏。縣小更無丁。府帖昨夜下。次選中男行。中男絕短小。何以守王城。肥男有母送。瘦男獨伶俜。鍾云絕短男等字。愁苦人讀之失笑。白水暮東流。青山猶哭聲。莫自使

眼枯鍾云莫自收汝淚縱橫。眼枯却見骨。天地

終無情。譚云使讀我軍收相州。日夜望其平。豈

意賊難料。歸軍星散營。就糧近故壘。練卒依舊

京。掘壕不到水。牧馬役亦輕。况乃王師順。撫養

甚分明。鍾云甚分明三字送行勿泣血。僕射如父

兄。譚云用意深厚有美有規。鍾云讀此語僕射不得不做好人

○新婚別

菟絲附蓬麻。引蔓故不長。嫁女與征夫。不如棄
路傍。結髮為君妻。席不煖君牀。暮婚晨告別。無

乃太匆忙。鍾云無乃二字。新婦口語。只得如此君行雖不遠。守邊

赴河陽。妾身未分明。何以拜姑嫜。父母養我特

日夜令我藏。生女有所歸。鷄犬亦得將。君今往

死地。沈痛迫中腸。誓欲隨君去。形勢反蒼黃。鍾云

五字。吞吐難言勿為新婚念。努力事戎行。鍾云

羞恨俱其中婦人在軍中。兵氣恐不揚。自嗟

貧家女。久致羅繻裳。羅繻不復施。對君洗紅粧。

鍾云對君二字。有意妙妙仰視百鳥飛。大小必雙翔。人事多

錯迕。與君永相望。

譚云軍中詩男子要他忠厚女子要他貞烈看杜老胸中三代

○垂老別

四郊未寧靜垂老不得安。子孫陣亡盡焉用身。獨完投杖出門去。同行爲辛酸。幸有牙齒存。所悲骨髓乾。男兒旣介胄。長揖別上官。鍾云老入甚悲老妻卧路啼。歲暮衣裳單。孰知是死別。且復傷其寒。此去必不歸。還聞勸加餐。鍾云此二語好合上二句土門壁甚堅。杏園度亦難。看反覺氣緩了此不若單存上二句警策

勢異鄴城下。縱死時猶寬。人生有離合。豈擇盛衰端。憶昔少壯日。遲迴竟長嘆。萬國盡征戍。烽火被岡巒。積屍草木腥。流血川原丹。何鄉爲樂土。安敢尚盤桓。鍾云可住棄絕蓬室居。塌然摧肺肝。

○無家別

寂寞天寶後。園廬但蒿藜。我里百餘家。世亂各東西。存者無消息。死者爲塵泥。賤子因陣敗。歸來尋舊蹊。久行見空巷。日瘦氣慘悽。鍾云日何荒悲在目此老胸中偏饒此等字面但對狐與狸。豎毛怒我啼。四

鄰何所有，一二老寡妻。宿鳥戀本枝，安辭且窮
 棲。芳春獨荷鋤，日暮還灌畦。鍾云縣吏知我至
 召令習鼓鼙，雖從本州役。內顧無所攜，近行止
 一身。遠去終轉迷，家鄉既蕩盡。遠近理亦齊。鍾云
說得無家人入細。永痛長病母，五年委溝谿。生我不得
 力，終身兩酸嘶。人生無家別，何以爲烝黎。鍾云小
雅民靡有黎意翻得纖妙。

○留花門

鍾云說盡客兵之害，千古永戒。然此外。

還有隱憂

北門天驕子，飽肉氣勇決。高秋馬肥健，挾矢射
 漢月。自古以爲患，詩人厭薄伐。修德使其來，羈
 縻固不絕。胡爲傾國至，出入暗金闕。中原有驅
 除，隱忍用此物。鍾云五字可風傷中，國無兵也。
蓋厭惡之極矣。公主歌黃鵠，君王指白日。連雲屯左輔，
 百里見積雪。長戟烏休飛，哀笳曉幽咽。田家最
 恐懼，麥倒桑枝折。譚云寫細民此小心事
 臨清渭，泉香草豐潔。渡河不用船，千騎常撇烈。妙妙然大患隱憂在此。

鍾云寫夷兵利害。胡塵踰太行雜種抵京室。鍾
即在壯勇中見之。隱憂尤在此句。花門既須留原野轉蕭瑟。

彭衙行

憶昔避賊初北走經險艱夜深彭衙道月照白
水山盡室久徒步逢人多厚顏參差谷鳥吟不
見遊子還癡女饑咬我啼畏虎狼聞懷中掩其
口反側聲愈嗔譚云小兒不解事性小兒強解
事故索苦李餐鍾云自家奔走窮困之狀往往
說向自家一旬半雷雨泥濘相攀牽既無禦濕
身上矣

備徑滑衣又寒有時經契闊竟日數里間野果
充餼糧卑枝成屋椽早行石上水暮宿天邊煙
少留同家窪欲出蘆子關故人有孫宰高義薄
曾雲延客已曛黑張燈啟重門鍾云以下描寫
親昵情暖湯濯我足剪紙招我魂鍾云從此出
事如見妻孥相視涕闌干眾雛爛熳睡喚起霑盤殮鍾
可憐字誓將與夫子永結為弟昆遂空所坐堂安
居奉我歡誰肯艱難際豁達露心肝別來歲月
周胡羯仍構患何當有翅翎飛去墮爾前

鍾云小心厚道一味感恩忘却自家身分乃知自處高人才士見人愛敬以為當然而直受者妄淺人也

○義鵲行

陰崖有蒼鷹養子黑柏顛白蛇登其巢吞噬恣朝餐雄飛遠求食雌者鳴辛酸力強不可制黃口無半存其父從西歸譚云其父且滑稽翻身入長煙斯須領健鵲鍾云鵲誠義鵲此鷹亦鳥中申包胥也痛憤寄所宣斗上捩孤影嗷哮來九天脩鱗脫遠枝巨顛折

老拳

鍾云用老拳妙

高空得蹭蹬短草辭蜿蜒折尾能

一掉飽腸已皆穿

鍾云五字與君看皮瘖處無復睛閃爍同一快人同一怕

人生雖滅衆雛死亦垂千年物情有報復快意

貴目前

譚云貴目前妙天道反不能如此鍾

不得茲實鷲鳥最急難心炯然

鍾云是從來義俠

本功成失所往用舍何其賢

鍾云發許大道有理

味有法多下近經滴水湄此事樵夫傳飄蕭覺

一段可恨素髮凜欲衝儒冠人生許與分只在顧眄間聊

為義鵲行用激壯士肝

○畫鵲行

高堂見生鵲

鍾云生鵲便妙

颯爽動秋骨初驚無拘攣

何得立突兀乃知畫師妙

巧刮造化窟寫此神

俊姿充君眼中物烏鵲滿樛枝軒然恐其出

不讀此二語不知起句見生鵲二字之妙

側腦看青霄寧為眾禽沒

長翮如刀劍人寰可超越乾坤空崢嶸粉墨且

蕭瑟緬思雲沙際自有烟霧質鍾云四語自悲自負吾今

意何傷顧步獨紆鬱

○奉贈韋左丞丈二十二韻

鍾云此詩妙意妙語疊出逐句求之佳

全篇誦之亦佳所以不及北征詠懷諸

長篇者篇法稍散緩涉于舖叙遜其變

化警策之致耳此可悟長篇之法

紈袴不餓死儒冠多誤身丈人試靜聽賤子請

具陳甫昔少年日早充觀國賓讀書破萬卷下

筆如有神鍾云膽到識到力到直直吐賦料楊

雄敵詩看子建親李邕求識面王翰願卜鄰自

謂頗挺出立登要路津致君堯舜上再使風俗

淳譚云好大本此意竟蕭條行歌非隱淪騎驢

三十載旅食京華春朝扣富兒門暮隨肥馬塵

鍾云五字堪哭堪笑殘杯與冷炙到處潛悲辛譚云英雄

鍾云自致身堯舜上至此十句內妙在說得

屈仲懸絕之極又云李杜同負才名同居亂

世李調羹賜錦不以爲辱高人慢世胸中各有所主主上頃

見徵歛然欲求伸青冥却垂翅蹭蹬無縱鱗甚

媿丈人厚甚知丈人真每於百僚上猥誦佳句

新鍾云好前輩竊效貢公喜難甘原憲貧焉能

心快快祗是走踈踈今欲東入海即將西去秦

鍾云六句慢調尚憐終南山回首清渭濱常擬報一飯

況懷辭大臣白鷗波浩蕩萬里誰能馴

贈衛八處士

人生不相見動如參與商今夕復何夕共此燈

燭鍾云寫情寂寂少壯能幾時鬢髮各已蒼訪舊半

爲鬼驚呼熱中腸焉知二十載重上君子堂昔

別君未婚兒女忽成行怡然敬父執譚云父執

讀之使人自老問我來何方鍾云只叙真境如問荅未

及已兒女羅酒漿夜雨剪春韭新炊聞黃梁鍾云

著色主稱會面難一舉累十觴十觴亦不醉感
子故意長明日隔山嶽世事兩茫茫

○贈蜀僧閻丘師兄

太師銅梁秀籍籍名家孫嗚呼先博士炳靈精
氣奔惟昔武皇后臨軒御乾坤多士盡儒冠墨
客靄雲屯當時上紫殿不獨卿相尊鍾云爲文
士出氣因
使人想女主世傳閻丘筆峻極踰崑崙鳳藏丹
好文光景霄暮龍去白水渾青熒雪嶺東碑碣舊制存斯
文散都邑高價越瓊璫晚看作者意鍾云此語
甚不草草

不枉作者苦心凡
看前輩皆宜如此妙絕與誰論吾祖詩冠古同

年蒙主恩豫章夾日月歲久空深根小子思疎

闊豈能達詞門窮愁一揮淚相遇卽諸昆鍾云
厚道

我住錦官城兄居祗樹園地近慰旅愁往來當

丘樊天涯歇滯雨秔稻臥不翻鍾云三字寫
苦雨入微漂

然薄遊倦始與道侶敦景晏步修廊而無車馬

喧夜闌接軟語落月如金盆漠漠世界黑譚云
怕人

驅驅爭奪繁惟有摩尼珠可照濁水源

○有懷台州鄭十八司戶虔

天台隔三江風浪無晨暮鄭公縱得歸老病不
 識路鍾云寫出聲昔如水上鷗今若置中兔性
 命由他人鍾云高悲辛但狂顧譚云山鬼獨一
 脚譚云蝮蛇長如樹呼號傍孤城歲月誰與度
 從來禦魑魅多為才名誤夫子稽阮流更被時
 俗惡海隅微小吏眼暗髮垂素黃帽映青袍非
 供折腰具平生一杯酒見我故人遇相望無所
 成乾坤莽回互

○宿青谿驛奉懷張員外十五兄之緒

鍾云幽曠細遠

漾舟千山內日入泊荒渚我生本飄飄今復在
 何許石根青楓林猿鳥聚儔侶月明遊子靜鍾
五字可抵暝色無畏虎不得語中夜懷友朋乾
人獨歸客七字坤此深阻浩蕩前後間佳期付荆楚

○示從孫濟

平明跨驢出未知適誰門譚云妙在一路權門
 多蹲沓鍾云三字妙不且復尋諸孫諸孫貧無
 事宅舍如荒村堂前自生竹堂後自生萱鍾云
二語

將貧無事三字。萱草秋已死。竹枝霜不蕃。譚云不必

寫得有景有趣。根萱竹。淘米少汲水。汲多井水渾。刈葵莫放手。

放手傷葵根。鍾云四句比興。妙語似樂府。阿翁懶惰久。覺兒

行步奔。所來為宗族。亦不為盤飧。鍾云為盤餐。何妨老子多

小人利口實。薄俗難具論。勿受外嫌猜。同姓

古所敦。譚云厚道名言。

○夢李白二首

鍾云無一字不真。無一字不幻。○又云

精感幽通。交情中。說出鬼神。杜甫夢李

白詩。安得不如此。

死別已吞聲。生別常惻惻。江南瘴癘地。逐客無

消息。故人入我夢。明我長相憶。鍾云到說自恐

非平生。魂路遠不可測。魂來楓林青。魂返關塞

黑。譚云幽冥可怯。君今在羅網。何以有羽翼。落月滿屋

梁。猶疑照顏色。水深波浪濶。無使蛟龍得。鍾云暗用

招魂語事妙。譚云只轉二韻。極見相關之情。此音外之音也。

○○又

浮雲終日行。遊子久不至。三夜頻夢君。情親見

君意

鍾云明我常相憶情親見君意是一片何等精神往來

告歸常局促

舌道來不易

鍾云述夢語妙

江湖多風波舟楫恐失墜

出門搔白首

苦負平生志冠蓋滿京華斯人獨

顛頓

鍾云悲怨在滿字獨字

孰云網恢恢將老身反累干

秋萬歲名寂寞身後事

○同元使君春陵行

并序

覽道州元使君結春陵行兼賊退後示官吏

作二首志之曰

鍾云好筆意

當天子分憂之地效

漢官良吏之日今盜賊未息知民疾苦得結

輩十數公落落然叁錯天下為邦伯

鍾云好心腸好

處分可作吏部宰相萬物吐氣

譚云四字快妙

天下少安可待

矣不意復見比興體制微婉頓挫之詞感而

有詩增諸卷軸簡知我者不必寄元也

鍾云簡知

我者不必寄元達甚古人酬唱往往如此今人泛泛作神交詩者又不得借口於此譚云老杜第一詩人又是第一高人

遭亂髮盡白轉衰病相嬰沈縣盜賊際狼狽江

漢行歎時藥力薄為客羸瘵成吾人詩家秀博

采世上名粲粲元道州前聖畏後生觀乎春陵

作歛見俊哲情復覽賊退篇結也實國禎鍾云

等憂世惜賈誼昔流慟匡衡常引經道州憂黎

庶詞氣浩縱橫兩章對秋月一字借華星致君

唐虞際純朴憶大庭何時降璽書用爾為丹青

訟獄永衰息豈惟偃甲兵悽惻念誅求薄歛近

休明乃知正人意不苟飛長纓鍾云不苟二字

吏只為胷中有此二字涼飈振南岳之子寵若驚色沮金

印大興含滄溟清我多長卿病日夕思朝廷肺

枯渴太甚祭泊公孫城呼兒具紙筆隱几臨軒

楹作詩呻吟內墨淡字欹傾感彼危苦詞庶幾

知者聽

○太子張舍人遺織成褥段

鍾云小小題許多感慨許大關係詩不

關理杜詩入理獨妙○譚云真心不敢

真心不願矯廉人不能偽作此語

客從西北來遺我翠織成開緘風濤湧中有掉

尾鯨透迤羅水族瑣細不足名鍾云已不受此

此細心看不客云充君褥承君終宴榮空堂魑

魅走高枕形神清。領客珍重意。顧我非公卿。留
 之懼不祥。施之混柴荆。鍾云混字妙。服飾定尊卑。大
 哉萬古程。今我一賤老。短褐更無營。煌煌珠宮
 物。寢處禍所嬰。鍾云天道。制小物中。輕輕數語發盡。說得借修人夢中魂驚不必看下一段矣。歎息當路子。干戈尚縱橫。掌握有權
 柄。衣馬自肥輕。李鼎死岐陽。實以驕貴盈。來瑱
 賜自盡。氣豪直阻兵。皆聞黃金多。坐見悔吝生。
 柰何田舍翁。受此厚貺情。錦鯨卷還客。始覺心
 和平。振我麤席塵。媿客茹藜羹。

○送率府程錄事還鄉

鄙夫行衰謝。抱病昏妄集。鍾云昏妄二字妙。是目人輕時慢世好題。常時往還人。記一不識十。譚云老輕薄。程侯晚相
 遇。與語才傑立。薰然耳目開。鍾云薰然妙。開字入字。從此生來。頗覺聰明入。譚云入字。真體會。此十字。何曾有一毫昏妄。千載
 得鮑叔。末契有所及。意鍾老柏青。義動脩蛇蟄。譚云此處止妙。告別無淹晷。
 若人可數見。慰我垂白泣。譚云此處止妙。告別無淹晷。
 百憂復相襲。內媿突不黔。庶羞以調給。素絲挈
 長魚。碧酒隨玉粒。途窮見交態。世梗悲路澀。東

風吹春冰泱莽后土濕念君惜羽翮既醉更思
戢莫作翻雲鶻聞呼向禽急

送重表姪王砮評事使南海

鍾云前段不過叙中表戚耳忽具一部
開國大掌故無頭重之患自往者胡作
逆以下祇是亂離相依飲食僕馬細故
無端無委無轉無接首尾不應細大不
倫胷中潦倒筆下淋漓非獨詩即看作
一篇極奇文字亦可

我之曾老姑爾之高祖母

鍾云志傳叙事體入詩奇作起語尤奇

爾祖未顯時歸為尚書婦隋朝大業末房杜俱
交友長者來在門荒年自餬口家貧無供給客

位但箕箒

鍾云如見

俄頃羞頗珍寂寥人散後

鍾云成大

事喧不得妙達五入怪鬢髮空吁嗟為之久

字可以眾治兵

自陳剪髻鬢鬻市充杯酒上云天下

若此其妙

宜與英俊厚

鍾云處亂世開國立家保身保親規模不

同俱少不向竊窺數公經綸亦俱有次問最少

年虬髯十八九子等成大名皆因此人手

鍾云一席

帝王將相俱落一窮舍婦人眼中口中稱量不
 爽奇甚此等奇事老杜特借此題想一遍寫一
 遍發其下云風雲合龍虎一吟吼願展丈夫雄
 磊塊耳下鍾云真氣到林
 得辭兒女醜秦王時在坐真氣驚戶牖譚云真
 戴真氣驚戶牖一幽一爽鍾云干及乎貞觀
 載如生是大史公傳荆軻魯連筆意
 初尚書踐台斗夫人常肩輿上殿稱萬壽六宮
 師柔順法則化妃后鍾云如此英雄婦人至尊
 均嫂叔盛事垂不朽鍾云自首至此已是一篇
 不脫落纏擾長詩矣以下才說露題却
 看他筆力鳳雛無凡毛五色非爾曹往者胡
 作逆乾坤沸嗷嗷吾客在馮翊爾家同遁逃爭

奪至徒步塊獨委蓬蒿逗遛熱爾腸鍾云熱爾
 語皆從此三字生十里却呼號自下所騎馬右持腰間
 刀左牽紫遊韉譚云左右字錯用法飛走使
 我高譚云逃亂光景在且見此老苟活到今
 日寸心銘佩牢亂離又聚散宿昔恨滔滔水花
 笑白首鍾云開景春草隨青袍廷評近要津節
 制收英髦北驅漢陽傳南汎上瀧舫家聲肯墜
 地利器當秋毫番禺親賢領籌運神功操大夫
 出盧宋寶貝休脂膏洞主降接武海胡舶千艘

我欲就丹砂，跋涉覺身勞。安能陷糞土，有志乘

魚鱉或驟鸞騰天聊作鶴鳴臯

○同諸公慈恩寺塔

鍾云登望詩不獨雄曠有一段精理冥

悟所謂令人發深省也浮淺人不知

高標跨蒼穹烈風無時休自非曠士懷登茲翻

百憂方知象教力足可追冥搜鍾云他人於此能作此性情語

仰穿龍蛇窟始出枝撐幽七星即高岑閣筆矣

在北戶河漢聲西流譚云羲和鞭白日少昊行

清秋秦山忽破碎涇渭不可求俯視但一氣焉

能辨皇州鍾云此十字止敵得青未了三回首

叫虞舜鍾云叫字奇不蒼梧雲正愁惜哉瑤池

飲日晏崑崙丘黃鵠去不息哀鳴何所投君看

隨陽鴈各有稻梁謀鍾云末四句悠然寂然若不相關正是此處語

○白水縣崔少府十九翁高齋三十韻

客從南縣來浩蕩無與適旅食白日長况當朱

炎赫高齋坐竹杪信宿遊衍闋清晨陪躋攀傲

睨俯峭壁崇岡相枕帶曠野懷咫尺始知賢主

人贈此遣愁寂危塔根青冥曾水生浙瀝上有
無心雲下有欲落石泉聲聞復息動靜隨所激

鍾云鳥呼藏其身有似懼彈射譚云鳥懼泉聲

禪理鳥呼藏其身有似懼彈射事既清要而語

特妙。鍾云說高齋泉石幻眇至此誰云詩不關理吏隱適情性茲焉其

窟宅白水見舅氏諸翁乃仙伯杖藜長松陰作

尉窮谷僻為我炊雕胡逍遙展良覲坐久風頗

怒晚來山更碧相對十丈蛟歛翻盤渦坼何得

空裏雷殷殷尋地脉鍾云尋字妙雷之性煙氛

靄崑崙情俱盡此一字中迴首如不隔

前軒頽反照巉絕華嶽赤兵氣漲林巒川光雜

鋒鏑鍾云讀之森豎非知是相公軍鐵馬雲霧

積玉觴淡無味胡羯豈強敵長歌激屋梁淚下

流衽席人生半哀樂天地有順逆慨彼萬國夫

休明備征狄猛將紛填委廟謀畜長策東郊何

時開帶甲且未釋欲告清宴罷難拒幽明迫三

歎酒食傍何由似平昔

鍾云此詩已刪因其警句復存焉因思

讀諸家詩以數句之妙全篇不稱不能

收之為恨少陵詩以全篇不稱而數句之妙不能舍之為恨此所謂銖兩輕重之別亦見此老氣力降人精神攝人處

○贈太子太師汝陽郡王璡

汝陽讓帝子眉宇真天人虬鬚似太宗色映塞

外春往者開元中主恩視遇頻出入獨非時禮

異見羣臣愛其謹潔極鍾云謹潔極三字是古

以能全勲倍此骨肉親從容聽朝後或在風雪

晨忽思格猛獸苑囿騰清塵羽旗動若一鍾云三字

形容衆整入微萬馬肅駢駢詔王來射鴈拜命已挺身

箭出飛鞞內上又回翠麟翻然紫塞翻下拂明

月輪胡人雖獲多天笑不為新鍾云有聲有色王每中

一物手自與金銀袖中諫獵書扣馬久上陳譚云

二語說得有身分竟無銜繫虞聖聰矧多仁鍾云有體官免

供給費水有在藻鱗匪惟帝老大皆是王忠勤

晚年務置醴門引申白賓道大容無能永懷侍

芳茵好學尚貞烈義形必需巾鍾云骨中有故筆下不覺寫出

揮翰綺繡揚篇什若有神川廣不可泝墓久狐

兔鄰宛彼漢中郡、文雅見天倫。何以慰我悲、泛舟俱遠津。温温昔風味、少壯已書紳。舊遊易磨滅、衰謝增酸辛。

唐詩歸第十七卷終

唐詩歸第十八卷目錄

盛唐十三

杜甫

遊龍門奉先寺

望嶽

漢陂西南臺

奉和郭給事湯東靈湫作

望嶽

南池

雨過蘇端

晦日尋崔戢李封

兩當縣吳

十侍御江上宅

夏日李公見訪

蘇大侍御訪江浦賦八韻記異

西枝村尋置草堂地宿贊公土室二首

又法鏡寺山寺北征

羗村三首又鹽井

寒峽青陽峽萬丈潭水會渡

飛仙閣五盤龍門閣桔柏渡

早發射洪縣南途中作通泉驛南

去通泉縣十五里山水作宿鑿石浦

早行過津口次空靈岸

早發次晚洲卷十八目錄終

唐詩歸第十八卷

景陵鍾惺伯敬同選定

譚元春友夏

盛唐十三

杜甫

○遊龍門奉先寺

已從招提遊更宿招提境陰壑生靈籟月林散
清影天闕象緯逼鍾云天闕句不必解自是奇
譚云今人自無慧心於
古人語言不解處即疑恨其
脫誤妄者遂下筆改之悍哉雲臥衣裳冷欲覺

聞晨鍾令人發深省。鍾云令人發深省靜慧人字不可入山水禪林間。

鍾云此詩非結語。便不必收。俗人反賞前六句。

望嶽

岱宗夫如何。鍾云三字得望字之神。齊魯青未了。造化鍾

神秀。陰陽割昏曉。盪胸生層雲。決皆入歸鳥。譚云

險何當凌絕頂。一覽衆山小。鍾云定用望嶽語。景作結便弱便淺。

鍾云此妙在在起。後六句不稱。龍門詩

妙在結。前六句不稱。未易為俗人道。

又云如此結。自難乎其稱。又當設身為作者想之。

漢陂西南臺

高臺面蒼陂。六月風日冷。蒹葭離披去。鍾云去字妙。天

水相與承之妙。非去字生不出。天水相與承。懷新目似擊。接要

心已領。仿佛識鮫人。空濛辨魚艇。錯磨終南翠。

顛倒白閣影。齒翠增光輝。乘凌惜俄頃。勞生媿

嚴鄭。外物慕張邴。世復輕驪騮。吾甘雜鼃黽。知

歸俗可忽取適事莫並身退豈待官老來若便
靜況資菱芡足庶結茅茨迴鍾云自勞生至此多長語從此
具扁舟彌年逐清景

○奉和郭給事湯東靈湫作

東山氣鴻濛鍾云起得大 宮殿居上頭君來必十月
樹羽臨九州陰火煮玉泉噴薄漲巖幽有時浴
赤日光抱空中樓闥風入轍跡曠原延冥搜拂
天萬乘動觀水百丈湫幽靈斯可怪王命官屬
休初聞龍用壯勞石摧林丘中夜窟宅改移因

風雨秋鍾云說得靈怪 倒懸瑤池影屈注滄江流味如

甘露漿揮弄滑且柔翠旗淡偃蹇雲車紛少留

簫鼓蕩四溟異香泱泱浮鮫人獻微綃曾祝沈

豪牛百祥奔盛明譚云奔字奇肆。鍾云詩有以二句之妙收其全篇者亦

須酌其妙處分兩輕重何如如移 古先莫能儔

坡陀金蝦蟇出見蓋有由至尊顧之笑王母不

遣妝復歸虛無底化作長黃虬飄飄青瑣郎文

彩珊瑚鈎浩歌淥水曲清絕聽者愁

○○望嶽

南嶽配朱鳥。秩禮自百王。歛吸領地靈。瀕洞半
 炎方。邦家用祀典。在德非馨香。巡狩何寂寥。有
 虞今則亡。泊吾隘世網。行邁越瀟湘。渴日絕壁
 出。鍾云渴日。字奇甚。漾舟清光傍。鍾云異景。祝融五峯尊。峯
 峯次低昂。鍾云次字入細。紫蓋獨不朝。鍾云獨不朝三字。看得山水有
 氣。爭長業相望。恭聞魏夫人。譚云似上表語。妙妙。羣仙夾
 翱翔。有時五峯氣。散風如飛霜。譚云靈氣縹緲。鍾云此景非
 入大山。山水不知。然二語。字字是望嶽。不是登臨。尤妙。
 崇岡。鍾云二語說出。反淺。歸來覲命駕。沐浴休玉堂。三歎

問府主。身以贊我皇。譚云真規真諷。人只草草看過。鍾云讀之竦然。在

三歎。牲璧忍衰俗。鍾云忍字說動鬼神。慈心。神其思降祥。

鍾云岱宗喬岳。着山水清妙語。奇壯語。

便是一丘一壑。文士登玩。眼孔須胸中。

典故筆下雍穆。有郊壇登歌氣象。始稱。

○南池

崢嶸巴閬間。所向盡山谷。安知有蒼池。萬頃浸
 坤軸。呀然閬城南。枕帶巴江腹。芰荷入異縣。鍾云
 奇語。杭稻共比屋。皇天不無意。美利戒止足。高

田失西成此物頗豐熟譚云老農安分語。鍾云至理。清源多

衆魚遠岸富喬木獨歎楓香林春時好顏色南

有漢王祠終朝走巫祝歌舞散靈衣荒哉舊風

俗高堂亦明王魂魄猶正直不應空陂上縹緲

親酒食譚云親酒食上加縹緲二字鬼神慙笑。淫祀自古昔非惟

一川瀆鍾云正論不腐。干戈浩茫茫地僻傷極目平生

江海興遭亂身局促駐馬問漁舟躊躇慰羈束。

○雨過蘇端自注云端置酒。

鷄鳴風雨交久旱雨亦好杖藜入春泥鍾云入字有景。

無食起我早譚云偏要寫出供千古人笑端非惟朴直亦見游戲。諸家憶

所歷一飯跡便掃鍾云一飯跡便掃五字有分曉有斟酌許多嗟來嘖蹠之

感俱在蘇侯得數過鍾云得字可憐。歡喜每傾倒也復

可憐人呼兒具梨棗濁醪必在眼鍾云三字饒語好在眼

笑盡醉攄懷抱紅稠屋角花碧委牆隅草鍾云饑困

中尚自親賓縱談讔喧鬧慰衰老況蒙霈澤垂

糧粒或自保妻孥隔軍壘撥棄不擬道

鍾云杜老每受人一酒一肉不勝感恩

不勝得意蓋有一肚憤讔即太白所謂

今日醉飽樂過千春也

○晦日尋崔戢李封

朝光入甕牖。尸寢驚敝裘。

鍾云驚字有景。國風

字。

起行視天宇。春氣漸和柔。興來不暇懶。

鍾云

不暇

今晨梳我頭。出門無所待。

鍾云無待是徒

步覺自由。杖藜復恣意。免值公與侯。

鍾云免值二字幸之

也。妙

晚定崔李交。會心真罕儔。每過得酒傾。二

宅可淹留。喜結仁里歡。況因令節求。李生園欲

荒。舊竹頗修修。引客看掃除。

譚云賓隨時成獻

酬崔侯初筵色

鍾云色字妙過人飲食

已畏空

樽愁未知天下士。至性有此不。草芽既青出。蜂

聲亦煖遊。

鍾云煖遊真性情也。用聲字尤幻妙。

思見農器陳。何當

甲兵休。上古葛天氏。不貽黃屋憂。至今阮籍等。

熟醉為身謀。威鳳高其翔。長鯨吞九州。地軸為

之翻。百川皆亂流。當歌欲一放。淚下恐莫收。濁

醪有妙理。庶用慰沈浮。

鍾云饑疲中有人飲食。飲食止耳。飲食

中帶些交情。纔是窮途一快老。杜於崔

李庶幾有之

○兩當縣吳十侍御江上宅

寒城朝煙淡。山谷落葉赤。陰風千里來。吹汝江

上宅。鷓鴣號。枉渚日色傍。阡陌借問持斧翁。

三字呼侍御妙幾年長沙客。哀哀失木狖。矯矯避弓翮。

亦知故鄉樂。未敢思夙昔。鍾云未敢二字悲甚昔在鳳翔

都。共通金閨籍。天子猶蒙塵。東郊暗長戟。兵家

忌間諜。此輩常接跡。臺中領舉劾。君必慎剖析。

鍾云正直忠厚皆從此一慎字出不忍殺無辜。所以分黑白。鍾云

可為妄殺之戒上官權許與。鍾云權字畫出老

言路當書諸紳失意見遷斥。仲尼甘旅人。向子識損益。朝廷

非不知。閉口休歎息。余時忝諍臣。丹陛實咫尺。

相看受狼狽。至死難塞責。鍾云真不負君不負友人行邁心

多違。出門無與適。於公負明義。惆悵頭更白。

○夏日李公見訪

遠林暑氣薄。公子過我遊。貧居類村塢。僻近城

南樓。傍舍頗淳朴。所願亦易求。隔屋喚西家。借

問有酒不。牆頭過濁醪。鍾云如見展席俯長流。清風

左右至客意已驚秋巢多衆鳥鬪葉密鳴蟬稠
苦遭此物聒孰謂吾廬幽水花晚色靜庶足充
淹留豫恐樽中盡更起爲君謀

○蘇大侍御訪江浦賦八韻記異

蘇大侍御渙靜者也旅于江側不交州府之

客人事都絕久矣肩輿江浦忽訪老夫舟楫

而已鍾云舟楫而已四字感甚眼中看不得貴人輿從久矣茶酒肉余

請誦近詩肯吟數首鍾云肯字有才力素壯

詞句動人接對明日鍾云明日妙憶其湧思雷出

書篋孔杖之外殷殷留金石聲賦八韻記異

譚云記異二字有才難之感亦記老夫傾倒於蘇至矣鍾云

總是一片樂道人之善樂多賢友發出才人寂寞中此一念彌甚

龐公不浪出蘇氏今有之再聞誦新作突過黃

初詩乾坤幾反覆楊馬宜同時今晨清鏡中勝

食齋房芝鍾云此句接清鏡中不知其妙余髮

喜却變白間生黑絲昨夜舟火滅湘娥簾外悲

百靈未敢散風破寒江遲鍾云幽靈歸之靜適

云讀書篋几杖之外殷殷留金石聲及此四語知下筆如有神非誑語也詩豈易言

○西枝村尋置草堂地宿贊公土室二首

出郭眇細岑披榛得微路谿行一流水曲折方

屢渡鍾云此必浣谿也二語至今猶是浣谿實錄贊公湯休徒好靜

心迹素昨枉霞上作盛論巖中趣怡然共攜手

恣意同遠步捫蘿澀先登陟嘯眩返顧要求陽

岡煖苦陟陰嶺沍惆悵老大藤沈吟屈蟠樹卜

居意未展杖策迴且暮層巔餘落日草蔓已多

露

○又

天寒鳥已歸月出山更靜土室延白光鍾云朴而亮

松門耿疎影躋攀倦日短語樂寄夜永鍾云寄字妙密

友深坐始知明然林中薪暗汲石底井大師京國舊

德業天機秉從來支許遊興趣江湖迴數奇謫

關塞道廣存箕穎何知戎馬間復接塵事屏尋

幽豈一路遠色有諸嶺鍾云真尋幽人晨光少朦朧更

越西南頂

○法鏡寺

鍾云老杜蜀中詩非惟山川陰霽雲日

朝昏寫得刻骨。即細草敗葉破屋坳垣。皆具性情。千載之下。身歷如見。

身危適他州。勉強終勞苦。神傷山行深。鍾云五字慘淡

愁破崖寺古。嬋娟碧蘚淨。蕭槭寒籜聚。洄洄山

根水。冉冉松上雨。洩雲蒙。清晨初日翳。復吐朱

薨半光。烟戶牖。粲可數。鍾云字字是景。字字是情。往策忘前

期。出蘿已亭午。冥冥子規叫。微徑不復取。鍾云取字

用得又幻又穩。又穩又幻。

○山寺

鍾云一篇好。募緣疏。

野寺根石壁。鍾云每妙。干用根字。諸龕遍。崔嵬。鍾云是山寺。前

佛不復辨。百身一莓苔。惟有古殿存。世尊亦塵埃。

鍾云說出升沈至理。令老佛心死。反覺點破世尊一番。如聞龍象泣。足

令信者哀。鍾云又將荒破光景說。使君騎紫馬。

捧擁從西來。樹羽靜千里。臨江久徘徊。山僧衣

藍縷。告訴棟梁摧。公為領兵徒。咄嗟檀施開。吾

知多羅樹。却倚蓮華臺。諸天必歡喜。鬼物無嫌

猜。鍾云數語如見和尚募化。貴人面目聲口妙絕。以茲撫士卒。孰曰非

周才鍾云無端忽說到此奇甚然有深意即古來經濟尤何事獨罕有意此老滿肚有此窮子失淨處高人憂禍胎歲晏風破肉荒

北征

皇帝二載秋閏八月初吉杜子將北征鍾云只似作文

起法甚老甚質甚蒼茫問家室維時遭艱虞朝野少暇日

顧慙恩私被詔許歸蓬華拜辭詣闕下怵惕久

未出鍾云真不雖乏諫諍姿恐君有遺失君誠

中興主經緯固密勿東胡反未已臣甫憤所切

鍾云臣甫章奏字面詩中只如對君揮涕戀行在道途猶恍惚乾

坤合瘡痍憂虞何時畢靡靡踰阡陌人煙眇蕭

瑟鍾云時事後纔入征途次第妙妙所遇多被傷呻吟更流血

回首鳳翔縣旌旗晚明滅前登寒山重屢得飲

馬窟邠郊入地底涇水中蕩潏猛虎立我前蒼

崖吼時裂菊垂今秋花石戴古車轍青雲動高

興幽事亦可悅鍾云往往奔走愁寂偏有一副極開心眼看景入微入細山

果多瑣細羅生雜橡栗或紅若丹砂或黑如點

漆雨露之所濡甘苦齊結實鍾云妙觀物理緬思桃源

內益歎身世拙。陂陀望鄜時。谷巖互出沒。我行
已水濱。我僕猶木末。鳴鳥鳴黃桑。野鼠拱亂穴。
夜深經戰場。寒月照白骨。潼關百萬師。往者散
何卒。遂令半秦民。殘害為異物。况我墮胡塵。及
歸盡華髮。經年至茅屋。妻子衣百結。慟哭松聲
迴。悲泉共幽咽。平生所驕兒。顏色白勝雪。見爺
背面啼。垢膩脚不韞。牀前兩小女。補綻纒過膝。
鍾云此下一段說入門兒女妻妾非悲非喜非
笑非哭非吞非吐非開非閉非忙口中難言目中如
見海圖折波濤。舊繡移曲折。天吳及紫鳳。顛倒

在短褐。老夫情懷惡。嘔泄臥數日。那無囊中帛。

救汝寒凜栗。粉黛亦解包。衿裯稍羅列。瘦妻面

復光。鍾云五字解癡女頭自櫛。學母無不為。鍾云

五字絕曉粧隨手抹。移時施朱鉛。狼籍畫眉澗。鍾云

四句已是一首嬌女詩矣。生還對童稚。似欲忘饑渴。譚云虛

問事競挽鬚。誰能卽嗔喝。翻思在賊愁。甘受雜

亂聒。新歸且慰意。生理焉得說。鍾云失意人初

此情至尊尚蒙塵。譚云許多話接不來只用一

此語長慮誰信。饑瘦窮老有此想。頭其篇法幻妙若

有照應若無照應若存穿

幾日休練卒仰看天

色改旁覺妖氛豁陰風西北來慘澹隨回紇其

王願助順其俗喜馳突

鍾云往往談客兵之害入骨而花門回紇尤穆

然有五胡亂華之憂

送兵五千人驅馬一萬匹此輩少為

貴鍾云三字妙於立言

四方服勇決所用皆鷹騰破敵過

箭疾聖心頗虛佇時議氣欲奪伊洛指掌收西

京不足拔官軍請深入蓄銳伺俱發此舉闕青

徐旋瞻略衡碣昊天積霜露正氣有肅殺禍轉

亡胡歲勢成擒胡月胡命其能久皇綱未宜絕

憶昨狼狽初事與古先別姦臣競菹醢同惡隨

蕩折不聞夏殷衰中自誅褒姒

鍾云此語又周旋又大膽其實

上皇傷心

周漢獲再興宣光果明哲桓桓陳將軍仗

鉞奮忠烈微爾人盡非于今國猶活淒涼大同

殿寂寞白獸闈都人望翠華佳氣向金闕園陵

固有神洒掃數不缺煌煌太宗業樹立甚宏達

○羗村三首

崢嶸赤雲西日脚下平地柴門鳥雀噪歸客千

里至妻孥怪我在

鍾云怪深於喜又在喜前

驚定還拭淚鍾云

五字。却藏。世亂遭飄蕩。生還偶然遂。鄰人滿牆頭。譚云光景真。感歎亦歔歔。夜闌更秉燭。相對如夢寐。譚云佳得妙再添一二。不惟不佳且苦矣。

○又

晚歲迫偷生。還家少歡趣。嬌兒不離膝。畏我復却去。譚云寫嬌兒纏綿光景透徹。鍾云寫自家兒女性情無餘矣。又代人家寫兒女性情。憶昔好追涼。故繞池邊樹。蕭蕭北風勁。撫事煎百慮。賴知禾黍收。已覺糟牀注。如今足斟酌。且用慰遲暮。

○又

羣雞正亂叫。客至雞鬪爭。鍾云描寫村落驅雞上樹木。如聞扣柴荆。父老四五人。問我久遠行。手中各有攜。傾榼濁復清。苦辭酒味薄。黍地無人耕。譚云便將父老口。兵革既未息。兒童盡東征。請為父老歌。艱難愧深情。譚云艱難二字。即指所送酒也。妙妙。歌罷仰天歎。四座淚縱橫。

鍾云此三詩。似詠生還之樂耳。以為偶然。以為意外。則許多垂老無家新昏別

等篇流離死亡反是尋常事矣

○○鹽井

鹵中草木白。青者官鹽煙。鍾云寫荒遠官作既有程。

煮鹽煙在川。汲井歲搨搨。出車日連連。自公斗

三百轉。致斛六千。鍾云質得妙。又云只如太史公貨殖及充國屯田叙事

法。君子慎止足。小人苦喧闐。我何良歎嗟。譚云妙在

說轉物理固自然。

鍾云杜此等詩識者以為典。以為質。以

為簡。決以為不韻。必不能入選。

○寒峽

行邁日悄悄。山谷勢多端。鍾云唐人寫山水妙遠往往用無端倪三

不可度我實衣裳。單。鍾云實字苦況當仲冬交。

泝沿增波瀾。野人尋煙語。鍾云三行子傍水餐。

鍾云苦此。生免荷爰。鍾云義命未敢辭路難。

○青陽峽

塞外苦厭山。南行道彌惡。岡巒相經亘。雲水氣

參錯。林迴硤角來。鍾云來字是天窄壁面削。磧

西五里石奮怒向我落。仰看日車側俯恐坤軸

弱。鍾云弱字形絕魑魅嘯有風霜霰浩漠漠。昨憶

前灑坂高秋視吳嶽東笑蓮花卑。北知崆峒薄。

超然伴壯觀已謂殷寥廓。突兀猶趨人。鍾云趨

形其急也及茲歎冥冥。身歷始知

○萬丈潭

鍾云刻畫奇險元氣無痕。

清谿合冥冥。鍾云讀此三字謂山水無理吾神

物有顯晦龍依積水蟠窟壓萬丈內。跼步凌垠

嶠。側身下煙靄。前臨洪濤寬。却立蒼石大。山危

一徑盡。岸絕兩壁對。削成根虛無。倒影垂澹瀨。

黑。知灣潭底清見光。炯碎。譚云黑知孤雲倒來

深。飛鳥不在外。鍾云五字說得幽怪可畏高蘿

成帷幄。寒木疊旌旆。遠川曲通流。嵌竇潛洩瀨。

造幽無人境。發興自我輩。告歸遺恨多。將老斯

遊最。鍾云最字與甚簡甚此一句之意人數語

不及時遊閉藏修鱗蟄。出入巨石礙。何當暑天

過。快意風雨會。

○水會渡

山行有常程。中夜尚未安。微月沒已久。崖傾路
何難。大江動我前。鍾云動。字靈警。洶若溟渤寬。篙師暗
理楫。歌笑輕波瀾。譚云舟。人性情。輕字。暇暗字。整然。鍾云。相生。霜濃
水石滑。風急手足寒。入舟已千憂。陟巘仍萬盤。
回眺積水外。始知衆星乾。鍾云。險。想却真。遠遊令人瘦。
衰疾慙加餐。

○飛仙閣

土門山行窄。微徑緣秋毫。鍾云。極。細畫手。棧雲闌干峻。

梯石結構牢。萬壑欹疎林。積陰帶奔濤。寒日外

澹泊。譚云。澹泊。安在日上。妙。長風中怒號。鍾云。說得

白書。欲晦。歇鞍在地底。始覺所歷高。鍾云。遊山。記。妙語。往來

雜坐臥。譚云。五字。真境真事。鍾云。要。知此五字。言其險非言其遠也。人馬同

疲勞。浮生有定分。饑飽豈可逃。鍾云。並說。妙。問。得。妙。亦。嘲。亦。憤。二嘆

息。謂妻子。我何隨汝曹。鍾云。埋。怨。得。妙。詰。

○五盤

五盤雖云險。山色佳有餘。仰凌棧道細。俯映江
木疎。地僻無網罟。水清反多魚。好鳥不妄飛。鍾云。

有深野人半巢居。喜見淳朴俗。坦然心神舒。東
郊向谷鬪。巨猾何時除。故鄉有弟妹。流落隨丘
墟。成者萬事好。豈若歸吾廬。

○龍門閣

清江下龍門。絕壁無尺土。長風駕高浪。浩浩自
太古。危途中縈盤。仰望垂綫縷。滑石欹誰鑿。浮
梁梟相柱。日眩隕雜花。鍾云隕雜二字為蜀山花草傳神頭風
吹過雨。百年不敢料。一墜那得取。飽聞經瞿唐。
足見度大庾。終身歷艱險。恐懼從此數。鍾云數字養恐

懼上用
得奇妙

○桔柏渡

青冥寒江渡。駕竹為長橋。竿濕煙漠漠。江水風
蕭蕭。鍾云清壯連竿動。嫋娜征衣颯。飄飄急流鵝。鷁
散絕岸。鼉鼉驕西轅。自茲異東逝。不可要高通。
荆門路闊會。滄海潮孤光。隱顧眄。譚云妙遊子悵
寂寥。無以洗心胸。前登但山椒。

○早發射洪縣南途中作

將老憂貧。竇筋力。豈能及。譚云此安命語。無悔恨失時意。征途

唐詩歸一 卷一 杜甫五言古二

乃侵星得使諸病入鄙人寡道氣譚云引在困

無獨立鍾云二語說得深厚不敢歸怨於征途

以假裝逐徒旅達曙凌險澀寒日出霧遲清江

轉山急僕夫行不進駑馬若維繫汀洲稍疎散

風景開快悒空慰所尚懷終非曩遊集衰顏偶

一破勝事難屢挹鍾云可止茫然阮籍途更灑陽朱

泣

○通泉驛南去通泉縣十五里山水作鍾云妙題

谿行衣自濕鍾云比坐看蒼苔色欲上人衣來更深更淡亭午氣始

散冬温蚊蚋集人遠鳧鴨亂登頓生層陰敵候

出高岸驛樓衰柳側縣郭輕烟畔一川何綺麗

盡日窮壯觀山色遠寂寞江光夕滋漫傷時媿

孔父去國同王粲我生苦飄零所歷有嗟嘆

○宿鑿石浦

早宿賓從勞仲春江山麗飄風過無時舟楫不

敢繫迴塘淡暮色日沒衆星鳴缺月殊未生青

燈死分翳窮途多俊異亂世少恩惠鄙夫亦放

蕩草草頻平歲斯文憂患餘鍾云鄭重聖哲垂彖繫

○早行

歌哭俱在曉譚云奇行邁有期程孤舟似昨日

聞見同一聲鍾云聲該飛鳥數求食潛魚亦獨

驚前王作網罟設法害生成譚云仙佛慈碧藻

非不茂高帆終日征干戈未揖讓崩迫開其情

譚云卓識愁腸逼成奇響使誦者徘徊

○過津口

南嶽自茲近湘流東逝深和風引桂楫春日漲

雲岑鍾云漲字寫山中雲日逼真迴道過津口而多風樹林

白魚困密網黃鳥喧嘉音物微限通塞鍾云五

興悲惻隱仁者心譚云語厚似甕餘不盡酒膝

有無聲琴聖賢兩寂寞眇眇獨開襟興悟

○次空靈岸

汙汙逆素浪落落展清眺幸有舟楫遲得盡所

歷妙鍾云常建恬目緩空靈霞石峻楓栝隱奔

峭譚云險青春猶無私白日亦偏照可使營吾

居終焉託長嘯毒瘴未足憂兵戈滿邊徼嚮者

留遺恨恥為達人誚迴帆覲賞延佳處領其要

譚云杜詩中頻用領要二字吾嘗取為讀書法所謂盡則安能身到處莫放過也然非解人不能○譚云必有此意乃可作山水間記不然到一處寫數句竟是路程本子矣

○早發

有求常百慮。斯文亦吾病。以茲朋故多。窮老驅
馳併。早行篙師怠。席挂風不正。鍾云曲盡此輩性情昔人
戒垂堂。今則奚奔命。濤翻黑蛟躍。日出黃霧映。
煩促瘴豈侵。頽倚睡未醒。鍾云頽倚二字得睡之神僕夫問
盥櫛。暮顏覩青鏡。隨意簪葛巾。鍾云此隨意仰是草草之意
慙林花盛側。聞夜來寇。鍾云側聞二字諧甚幸喜囊中淨。

艱危作遠客。于請傷直性。譚云有此真人氣節所以奇薇蕨

餓首陽。粟馬資歷聘。賤子欲適從。疑悞此二柄。

譚云疑悞二字合用得妙

○次晚洲

參錯雲石稠。陂陀風濤壯。晚洲適知名。秀色固
異狀。棹經垂猿把。身在度鳥上。擺浪散帙妨。危
沙拆花當。鍾云閑心幽事羈旅暫愉悅。羸老反惆悵。中
原未解兵。吾得終疎放。

唐詩歸第十八卷終

望督促東渚耗稻向畢清晨遣女奴阿

稽暨子阿段往問 暇日小園

散病將種秋菜督勤耕牛兼書觸目

課伐木 信行遠修水筒

行官張望補稻畦水歸 催宗文樹

白鷄柵 柴門 除草 水檻

草堂 客居 喜晴 雨

太平寺泉眼 病柏 病橘

四松 卷十九目錄終

唐詩歸第十九卷

景陵 鍾惺伯敬 同選定

譚元春友夏

盛唐十四

杜甫

○自京赴奉先縣詠懷五百字

鍾云讀少陵奉先詠懷北征

言古長篇不易作。○又云

滴忽正忽反若整若亂

其篇法之妙

杜陵有布衣。老大意轉拙。許身一

志大言大。人病痛。竊比稷與契。居然成濩落。

闊。蓋棺事則已。此志常凱豁。窮年憂黎元。

腸肉熱。取笑同學翁。浩歌彌激烈。非無江海志。

譚云此下數句。似答同學翁語。瀟灑送日月。生逢堯舜君。不忍

便承訣。譚云承訣字說。當今廊廟具。構厦豈云

缺。葵藿傾太陽。物性固莫奪。顧惟螻蟻輩。但自

求其穴。胡為慕大鯨。輒擬偃溟渤。以茲悟生理。

獨耻事干謁。鍾云有此二語。纔有本領。兀兀遂至今。忍為塵

埃沒。終愧巢與由。未能易其節。沈飲聊自遣。放

歌頗愁絕。歲暮百草零。疾風高岡裂。天衢陰崢

嶸。客子中夜發。鍾云陸入征途。却又不覺。霜嚴衣帶斷。指直

不得結。樂府語。凌晨過驪山。御榻在。蟠嶠蚩尤

塞寒空。蹴踏崖谷滑。瑤池氣鬱律。羽林相摩戛。

君臣留歡娛。樂動殷膠葛。賜浴皆長纓。與宴非

短褐。彤庭所分帛。本自寒女出。鞭撻其夫家。鍾云

此語甚痛甚。聚歛貢城闕。聖人筐篚恩。實欲邦國活。臣

如忽至理君豈棄此物鍾云四語衣帛之人當書諸紳棄此物三字尤

使人慙感多士盈朝廷仁者宜戰慄鍾云天理之况言忠君忠友

聞內金盤盡在衛霍室中堂有神仙煙霧蒙玉

質鍾云五字麗而警煖客貂鼠裘悲管逐清瑟勸客馳

蹄羹霜橙壓香橘朱門酒肉臭路有凍死骨鍾云

凌晨過驪山至此極道驕奢暴殄隱憂言外似皆說秦其實句句是時事所謂借秦為喻也

譚云少陵不用于世救援悲憫之意甚切遇一小物小景動說得極悲憤極經濟只為胸中有一此等事鬱結讀

其諸長篇自見榮枯咫尺異惆悵難再述北轅

就涇渭官渡又改轍群水從西下極目高崒兀

疑是崆峒來恐觸天柱折河梁幸未坼枝撐聲

窸窣行旅相攀援川廣不可越老妻既異縣十

口隔風雪誰能久不顧庶徃共饑渴譚云骨肉

鍾云似欲忘饑渴歸前情也歡悲不同各有其妙同一苦境入門

聞號咷幼子饑已卒吾寧捨一哀里巷亦嗚咽

所媿為人父無食致夭折豈知秋未登貧窶有

倉卒鍾云五字非暴貧不知非慣貧不知生常免租稅名不隸征

伐撫迹猶酸辛平人固騷屑默思失業徒因念

遠戍卒鍾云饑困憂時婆心俠氣憂端齊終南瀕洞不可掇

○遣興

長陵銚頭兒。出獵待明發。駢弓金瓜。鐫白馬。蹴微雪。亦知所馳逐。但見暮光滅。鍾云筆亦如電歸來懸兩狼。門戶有旌節。

○又

猛虎馮其威。往往遭急縛。雷吼徒咆哮。枝撐已在脚。忽看皮寢處。無復睛閃爍。人有甚於斯。足以勸元惡。鍾云不曰懲而曰勸。妙妙。因果王法在此一字。滑稽緼藉。此立言之法。

○又

朝逢富家葬。前後皆輝光。共指親戚大。鍾云大衆人。口角。總麻百夫行。送者各有處。不須羨其強。譚云說得富貴人敗興。君看束縛去。亦得歸山岡。

鍾云前一詩風生。後二詩冰冷。閑眼看人。熱心勸世。此老真是菩薩。

○述懷

去年潼關破。妻子隔絕久。今夏草木長。脫身得西走。麻鞋見天子。譚云好笑。衣袖露兩肘。朝廷愍生還。親故傷老醜。涕淚受拾遺。譚云涕淚受官。比慕爵人何如。鍾

云草中。寫出忠孝。流離主恩厚。柴門雖得去。未忍即開。

口寄書問三川。不知家在否。比聞同罹禍。殺戮

到鷄狗。山中漏茅屋。誰復依戶牖。摧頽蒼松根

地冷骨未朽。幾人全性命。盡室豈相偶。嶽峯猛

虎場鬱結。回我首。自寄一封書。今已十月後。反

畏消息來。鍾云又深一層。非客久不信。寸心亦何有。漢運初

中興。平生老耽酒。沈思歡會處。恐作窮獨叟。

○寫懷

夜深坐南軒。明月照我膝。驚風翻河漢。梁棟已

出日。群生各一宿。飛動自儔匹。鍾云深細之言。妙達物理。

亦驅其兒。營營為私實。天寒行旅稀。歲暮日月

疾。榮名忽中人。鍾云中人字。說透名根。世亂如蟣虱。古者

三皇前。滿腹志願畢。胡為有結繩。陷此膝與漆。

鍾云此一段放言至理。又不當以理求之。禍首燧人氏。厲階董狐筆。

鍾云古人妙。君看燈燭張。轉使飛蛾密。放神八極外

俛仰俱蕭瑟。終契如往還。得匪合仙術。

○解憂

鍾云極朴。極細。其妙處只在用生。○又

云好念頭好處分。可以用衆。可以濟艱。

減米散同舟。路難思共濟。向來雲濤盤衆力。亦

不細。鍾云事後此語使人忘處。呀。吭。瞥。眼。過。飛。檣。本。無。蒂。得

失。瞬。息。間。致。遠。猶。恐。泥。百。慮。視。安。危。分。明。曩。賢

計。譚云實貫穿。不是假經濟語。茲理度可廣。拳拳期勿替。

○上水遣懷

我衰。太平時。身病戎馬後。鍾云便悲。蹭蹬多拙爲。安

得不皓首。鍾云五字橫甚。驅馳四海內。童稚日餬口。但

遇新少年。少逢舊親友。低顏下色地。故人知善

誘後生。血氣豪舉動。見老醜。鍾云分明看少年

耳。老人語。深厚如此。窮迫挫曩懷。常如中風走一紀。出西

蜀于今向南斗。孤舟亂春華。暮齒依蒲柳。冥冥

九疑葬聖者。骨已朽。蹉跎陶唐人。鞭撻日月久

中間屈賈輩。讒毀竟自取。鬱沒二悲魂。蕭條猶

在否。齒。翠。清。湘。石。逆。行。雜。林。藪。篙。工。密。逞。巧。鍾

密逞巧。暗理楫。世間危巧事。豈是淺躁人所爲。氣若酣杯酒。譚云描篙

得入神。訶謳互激遠。回幹明授受。鍾云細心明眼

善知。應觸類。各藉脫穎手。古來經濟才。何事獨

鍾云透悟熱心。觸境看出。蒼蒼衆色晚。熊
挂玄蛇吼。黃熊在樹顛。正為群虎守。羸骸將何
適。險履顏益厚。庶與達者論。吞聲混瑕垢。

○佳人

絕代有佳人。幽居在空谷。自云良家子。零落依
草木。關中昔喪敗。兄弟遭殺戮。官高何足論。不
得收骨肉。世情惡衰歇。萬事隨轉燭。夫婿輕薄
兒。新人美如玉。合昏尚知時。鴛鴦不獨宿。但見
新人笑。那聞舊人哭。在山泉水清。出山泉水濁。

侍婢賣珠還。牽蘿補茅屋。

鍾云賣珠補屋。故家
暴貧。真境未經過者。

以為摘花不插鬢。采柏動盈掬。天寒翠袖薄。日
暮倚脩竹。鍾云清境難
堪。然自不惡。

○幽人

孤雲亦羣遊。鍾云雲遊妙矣。孤雲
下。又着一群字。妙甚。神物有所歸。

靈鳳在赤霄。何當一來儀。往與惠詢輩。中年滄
洲期。天高無消息。棄我忽若遺。內懼非道流。幽

人在瑕疵。譚云此所謂
發深省也。洪濤隱語笑。鍾云寫得
行徑幽奇。

鼓柁蓬萊池。崔嵬扶桑日。照耀珊瑚枝。鍾云
幽麗風

帆倚翠蓋暮把東皇衣。燕漱元和津。所思煙霞
微。知名未足稱。局促商山芝。鍾云局促二字。笑得四皓有趣。五
湖復浩蕩。歲暮有餘悲。

鍾云絕妙遊仙詩。非惟無瓢笠丹藥氣。併無雲霞氣矣。覺太白語濫而易。

○○三韻三首

高馬勿捶面。長魚無損鱗。辱馬馬尾焦。困魚魚
有神。鍾云君看磊落士。不肯易其身。

鍾云滿肚不平。英雄之人久處下流。乃

有此語。

○又

蕩蕩萬斛船。影若搖白虹。起檣必椎牛。挂席集
衆功。譚云寫得艱難重大。自非風動天。莫置大水中。

譚云寓意深厚。○鍾云寫出癡重好笑。似譏其大而無用之意。

○又

烈士惡多門。小人自同調。名利苟可取。殺身傍
權要。譚云五字說盡古今。何當官曹清爾輩。堪

一笑。譚云就呼小人而告之妙妙。

○遭田父泥飲美嚴中丞

鍾云內藏一淳朴富足氣象。便是美嚴中丞矣。不專指說尹終在口一句也。

步屨隨春風。村村自花柳。田翁逼社日。邀我嘗

春酒。酒酣誇新尹。畜眼未見有。回頭指大男。渠

是弓弩手。鍾云如見其名在飛騎籍長番歲時

久前日放營農。辛苦救衰朽。差科歿則已。誓不

舉家走。鍾云亦是農俠。今年大作社。拾遺能住否。叫婦

開大餅。盆中為吾取。感此氣揚揚。須知風化首。

語多雖雜亂。說尹終在口。朝來偶然出自卯。將

及酉。久客惜人情。如何拒鄰叟。高聲索果栗。欲

起時被肘。指揮過無禮。未覺村野醜。月出遮我

留。仍嗔問升斗。譚云形容村郎請客粗鄙真率無一不有。

○秋行官張望督促東渚耗稻向畢。清晨遣

女奴阿稽。豎子阿段。往問。鍾云題質與是絕妙小序。

東渚雨今足。佇聞秔稻香。上天無偏頗。蒲稗各

自良。譚云造化語。人情見非類。田家戒其荒。功夫競

搨除草置岸傍。穀者命之本。客居安可忘。譚云

俗人便只愛惜自家田畝矣。青春具所務。勤墾免亂常。吳牛

力容易。並驅紛遊場。豐苗亦已穢。雲水照方塘。

鍾云憂勤中忽入此清妙語着色。有生固蔓延。靜一資隄防。鍾云

內皆學問中。大經濟語。督領不無人。提携頗

在網。譚云老人理家之言。○鍾。荆揚風土煖。蕭

蕭候微霜。尚恐主守疎。用心未甚臧。鍾云督責

人忘其勞。清朝遣婢僕。寄語踰崇岡。譚云有景。西成聚必

散。不獨陵我倉。鍾云用衆之言。豈要仁里譽。感

此亂世忙。北風吹兼葭。蟋蟀近中堂。荏苒百工

休。鬱紆遲暮傷。譚云深遠。漸不可測。

○暇日小園散病。將種秋菜。督勒耕牛兼書

觸目。

不愛入州府。畏人嫌我真。鍾云世道至此可慮。及乎歸茅

宇。旁舍未曾嗔。老病恐拘束。應接喪精神。譚云實境

不獨老病為然。江村意自放。林水心所欣。秋耕屬地濕。

山雨近甚勻。冬菁飯之半。譚云窮家實歷。牛力晚來新。

深耕種數畝。未甚後四鄰。譚云未甚後亦幾於後矣。因想貧農之苦。

月言... 杜甫五言古二

○鍾二云語細而厚。嘉蔬既不一。名數頗具陳。荆巫非苦

寒采擷接青春。鍾云接字妙。即用今俗語。青黃不相接。接字。飛來兩

白鶴。暮啄泥中芹。雄者左翻垂。損傷已露筋。一

步再流血。尚驚矰繳勤。三步六號叫。志屈悲哀

頻。鸞鳳不相待。側頸訴高旻。杖藜俯沙渚。為汝

鼻酸辛。鍾云兩白鶴以下。所謂兼書觸目也。仁人之心。高士之言。

○課伐木 并序

課隸人伯夷辛秀信行等入谷斬陰木。人日

四根止。鍾云留中調度。維條伊枚。正直挺然。晨行暮

反。委積庭內。我有藩籬。是缺是補。載截篠蕩。

伊仗支持。則旅次于小安。山有虎。知禁若恃

爪牙之利。必昏黑控突。夔人屋壁。列樹白菊。

饒為墻。實以竹。示式遏。為與虎近。混淪乎無

良。賓客憂害馬之徒。苟活為幸。可嘿息已。作

詩。示宗武誦。鍾云序與甚。質甚。古甚。則甚。細甚。使誦者不易上口。正其妙處。

長夏無所為。客居課奴僕。鍾云家居碎事。高人用作清課。善自居心。

善自清晨飯其腹。持斧入白谷。青冥層巔後。鍾云不肯說得不幽不遠。十里斬陰木。人肩四根已。亭午下山

盛唐十四

麓尚聞丁丁聲。功課入各足。蒼皮見委積。素節

相照燭。鍾云一薪木耳。正直挺然。說出精神。藉汝跨小籬。

當仗苦虛竹。空荒咆熊羆。乳獸待人肉。不示知

禁情。豈惟干戈哭。譚云又說向。心上事去。城中賢府主處

貴如白屋蕭蕭理。體靜蜂蠆不敢毒。虎穴連里

間。隄防舊風俗。鍾云杜詩每善用風。俗二字。化癡為露。泊舟滄江

岸久。客慎所觸。譚云久客。細心。舍西崖嶠壯。雷雨蔚

含蓄。鍾云五字寫。盡崖嶠性情。墻宇資屢修。衰年怯幽獨。爾

曹輕執熱。鍾云考亭解詩。誰能執熱。逝不以濯。執字作執。持之執。今人以水濯手。豈

便能執持熱物乎。蓋執曰執熱。猶云熱不可解。此古文用字奧處。濯即洗濯之。濯浴可解熱也。杜詩屢用執熱字。皆作實用。是一證據。附記於此焉。為我忍煩促。秋光近

清岑。季月當泛菊。報之以微寒。共給酒一斛。譚云

十字一句。斷不得。不寒給酒。非報也。若寒給酒。亦非報也。報字在微寒上看出。

○信行遠修水筒

鍾云。往往於家常瑣細。媿媿不倦。發大

道理。大經濟。不酸不碎。此老胷中原有

此一副本事。

汝性不如葦。清靜僕夫內。秉心識本源。於事少

○

滯礙

鍾云從來經世人本不草草湏心源清靜從小人中看出少滯礙三字可思所謂安

生慮也。是清靜人作用得力妙處。

雲端水筒坼林表山石碎觸

熱藉子修通流與厨會

鍾云山幽事

往來四十里荒

險巖谷大日曛驚未食貌赤媿相對

譚云體悉鍾云有

仁慈又有才幹人自然於此處細心。浮瓜供老病裂餅常所愛於

斯答恭謹

鍾云清靜恭謹才所由出無此即小人之才矣。

足以殊殿最

譚云大帝王語。詎要方士符何假將軍蓋行諸直如筆

用意崎嶇外

譚云妙

○行官張望補稻畦水歸

東屯大江北百頃平若案六月青稻多千畦碧

泉亂插秧適去已引溜加漑灌更僕往方塘決

渠當斷岸公私各地著浸潤無天旱主守問家

臣分明見谿畔芊芊烟翠羽剡剡生銀漢鷗鳥

鏡裏來關山雪邊看秋菰成黑米精鑿傳白粲

玉粒足晨炊紅鮮任霞散終然添旅食作苦期

壯觀遺穗及衆多我倉戒茲漫

譚云作福惜福二意俱有

○催宗文樹鷄柵

吾衰怯行邁旅次展崩迫愈風傳烏鷄秋卵方

漫喫鍾云滿肚節愛自春生成者。隨母向百翻驅趨制

不禁喧呼山腰宅。課奴殺青竹。終日憎赤幘。踏

藉盤案翻。塞蹊使之隔。鍾云看得細。自有一段極細處分。不知者以為

多事。不知胃中無一事。乃能辨此。墻東有隙地。可以樹高柵。避

熱時來歸。問兒所為跡。鍾云跡字妙。譚云家

談高雅者反是。織籠曹其內。令人不得擲。稀間可突過。

背距還汚席。譚云鷄在籠中。欲出不我寬虜蟻

遭彼免狐貉。厄鍾云仁術應宜各長幼。自此均勅

敵。譚云教訓鷄子。妙極細極。籠柵念有修。近身見損益。譚云

訓子明明領處分。一一當剖析。不昧風雨晨。亂

離減憂感。其流則凡鳥。其氣心匪石。鍾云着此

本領有身分。覺此事不是瑣屑細故。倚賴窮歲晏。撥煩去冰釋。未

似尸鄉翁。拘留蓋阡陌。

鍾云讀秋行官張望以下數詩。有寬嚴。

有詳畧。有巨細。綱目脉絡委曲分明。蓋

以奴婢事帳簿語。而滿肚化工。全副王

政和盤託出。於此將心眼放過。宜其終

身口耳杜詩。如未之見也。

○柴門

泛舟登瀛西，回首望兩崖。東城乾旱天，其氣如
 焚柴。鍾云此語入文，已足質。直看他入詩，又能韻致。長影沒窈窕，餘光
 散谿谷。大江蟠嵌根，歸海成一家。下衝割坤軸，
 竦壁攢鏌鋸。蕭颯洒秋色，氣昏霾日車。峽門自
 此始，最窄容浮查。鍾云細。禹功翊造化，疏鑿就欹
 斜。巨渠決太古，衆水爲長蛇。風煙眇吳蜀，舟楫
 通鹽麻。我今遠遊子，飄轉混泥沙。萬物附本性，
 約身不願奢。茅棟葢一牀，清池有餘花。濁醪與

脫粟，在眼無咨嗟。山荒人民少，地僻日夕佳。貧
 窮固其常，富貴任生涯。老於干戈際，宅幸蓬蓽
 遮。石亂上雲氣，杉青延日華。鍾云清骨。賞妍又分外，
 譚云言外亦有敢爲故林主。黎庶猶未康，意當於過望處會之。理愜夫何誇。足
 了垂白年，敢居高士差。書此豁平昔，回首猶暮

霞。鍾云嫻嫻。

○除草

草有害於人，曾何生阻修。其毒甚蜂蠆，其多彌
 道周。清晨步前林，江色未散憂。鍾云此句已動殺機矣。然殺之

中亦有。苾刺在我眼。焉能待高秋。鍾云。霜雪一

霜凝蕙葉亦難留。荷鋤先童稚。鍾云。意果手辣。只是心眼中着。

不得雜。日入仍討求。轉置水中央。豈無雙釣舟。

鍾云。嚴甚。細甚。頑根易滋蔓。譚云。罵得妙。幽字。敢使依舊丘。自茲

藩籬曠。更覺松竹幽。鍾云。曠字。幽字。是除草大王意。芟夷不可

闕。疾惡信如讐。鍾云。不說正意更深。唐以下。詩文病痛在此。

○水檻

蒼江多風颭。雲雨晝夜飛。茅軒駕巨浪。焉得不低垂。遊子久在外。門戶無人持。高岸尚為谷。何

傷浮柱欹。扶顛有勸誡。譚云。用得古。恐貽識者嗤。既

殊大厦傾。可以一木支。臨川視萬里。何必欄檻

為。人生感故物。慷慨有餘悲。譚云。宛轉深思。合四句吟之。乃見。

○草堂

昔我去草堂。蠻夷塞成都。今我歸草堂。成都適

無虞。請陳初亂時。反覆乃須臾。大將赴朝廷。羣

小起異圖。中霄斬白馬。盟歆氣已麤。鍾云。寫出草賊。西

取邛南兵。北斷劍閣隅。布衣十數人。亦擁專城

居。其勢不兩大。始聞蕃漢殊。西卒却倒戈。賊臣

互相誅。鍾云互相誅。是馬知肘腋禍。自及臬獍。

徒。義士皆痛憤。紀綱亂相踰。一國實三公。萬人

欲為魚。唱和作威福。鍾云唱和二。字。孰肯辨無

辜。眼前列杻械。背後吹笙竽。談笑行殺戮。濺血

滿長衢。到今用鉞地。風雨聞號呼。鬼妾與鬼馬。

色悲充爾娛。譚云自然要傷心。鍾國家法令

在。此又足驚吁。鍾云奈何他賤子且奔奔。三年

望東吳。弧矢暗江海。難為遊五湖。不忍竟捨此。

復來薤榛蕪。譚云轉身。入門四松在。鍾云情深。步

萬竹疎舊犬喜我歸。低徊入衣裾。鍾云先鄰里

喜我歸。沽酒携胡蘆。大官喜我來。遣騎問所須。

鍾云城郭喜我來。譚云賓客隘村墟。鍾云

歸喜我來皆連用天下尚未寧。健兒勝腐儒。譚

從古樂府語法來飄飄風塵際。何地置老夫。於時見疵贅。譚云

嘲笑骨髓幸未枯。飲啄媿殘生。食薇不敢餘。鍾云

真好人似

○客居

客居所居堂。前江後山根。下墜萬尋岸。蒼濤鬱

飛翻葱青衆木梢。邪豎雜石痕。鍾云五字詠子多景在內

規晝夜啼壯士歛精魂。峽開四千里水合數百

源。譚云大人虎相半居。相傷終兩存。鍾云大道

人曾蜀麻久不來。吳鹽擁荆門。西南失大將。商

旅自星奔。今又降元戎。已聞動行軒。舟子候利

涉。亦憑節制尊。譚云舟子畏勢疾我在路中央

生理不得論。卧愁病脚廢。徐步示小園。鍾云示

短畦帶碧草。悵望思王孫。鳳隨其凰去。譚云下

籬雀暮喧繁。覽物想故國。十年別荒村。譚云佳

日暮歸幾翼。北林空自昏。安得覆八溟。為君洗

乾坤。稷契易為力。犬戎何足吞。儒生老無成。臣

子憂四藩。袖中有舊筆。情至時復援。鍾云開盧

○喜晴

皇天久不雨。既雨晴亦佳。出郭眺西郊。蕭蕭春

增華。青。榮。陵。陂。麥。窈。窕。桃。李。花。春。夏。各。有。實。我

饑。豈。無。涯。譚云餓干戈雖橫放。慘澹鬪龍蛇。其

澤不猶愈。且耕今未賒。丈夫則帶甲。婦女終在

家。力難及黍稷。得種菜與麻。鍾云二語與冬菁

飯之半寫盡小家

杜甫五言古三

農圃口語千載商山足。往者東門瓜。其人骨已朽。此道誰疵瑕。英賢遇軼軻。達引蟠泥沙。顧慙昧所適。回首白日斜。漢陰有鹿門。滄海有靈查。焉能學衆口。咄咄空咨嗟。

○雨

鍾云此等作。在少陵為輕秀。若入太白集中。已為氣厚矣。存之以見身分。○又云句句峽雨也。寫得出。移不動。

空山中宵陰微冷。先枕席。鍾云清絕。先字細心。迴風起清

曙。萬象萎已碧。落落出岫雲。渾渾倚天石。日假

何道行。鍾云峽中奇語。說雨尤切。雨含長江白。連檣荊州船。

有士荷戈戟。南防草鎮慘。霑濕赴遠役。群盜下

辟山。總戎備強敵。水深雲光廓。鳴櫓各有適。漁

艇息悠悠。鍾云息字。看得細。夷歌負樵客。留滯一老翁。

書時記朝夕。

○太平寺泉眼

招提憑高岡。疎散連草莽。出泉枯柳根。汲引歲月古。石間見海眼。天畔縈水府。廣深丈尺間。宴

唐詩集卷之八 盛唐十四

上七

息敢輕侮譚云靈輿云說出鬼神青白二小蛇幽姿可

時觀如絲氣或上爛熳為雲雨山頭到山下鑿

井不盡土取供十方僧香美勝牛乳北風起寒

文弱藻舒翠縷明涵客衣淨細蕩林影趣何當

宅下流餘潤通藥圃三春濕黃精一食生毛羽

○病柏

有柏生崇岡童童狀車蓋偃蹇龍虎姿主當風

雲會神明依正直故老多再拜鍾云二語與燕

說不出有意說不出自是身分所至豈知千年根中路顏色壞出

非不得地盤據亦高大歲寒忽無憑日夜柯葉

改丹鳳領九雛哀鳴翔其外鳴鸚志意滿養子

穿穴內客從何鄉來佇立久吁怪靜求元精理

浩蕩難倚賴鍾云深

○病橘

群橘少生意雖多亦奚為惜哉結實小酸澀如

棠梨剖之盡蠹蟲采掇爽其宜紛然不適口豈

止存其皮蕭蕭半歿葉未忍別故枝鍾云真玄冬

霜雪積况乃迴風吹嘗聞蓬萊殿羅列蕭湘姿

此物歲不稔。玉食失光輝。寇盜尚憑陵。當君減膳時。汝病是天意。吾愁罪有司。鍾云又生一意。譚云念頭。非為有司也。恐有司又罪及百姓耳。憶昔南海使。奔騰獻荔枝。譚云。入為枝絕妙。正吾愁罪有司之意。未語似又以橘病為幸。其感愈深矣。

○四松

鍾云。徃徃不忘四松。屢見於詩。情之所鍾。俗人不知。○又云。待此四松。竟是一相厚老友。

四松初移時。大抵三只強。別來忽三歲。離立如人長。會看根不拔。莫計枝凋傷。譚云。只想留得根在。羈旅之懷。與亂離之感俱有。○鍾云。與古樂府。啗瓜者多。但還我蒂。只說根蒂。寫寡落。凄感。口角逼真。幽色幸秀發。疎柯亦昂藏。所插小藩籬。本亦有隄防。終然振撥損。得愧千葉黃。敢為故林主。黎庶猶未康。譚云。厚道語。何其緼藉。避賊今始歸。春草滿空堂。覽物嘆衰謝。及茲慰淒涼。清風為我起。灑面若微霜。鍾云。此風霜字。他處移用。不得。足以送老姿。聊待偃蓋張。我生無恨蒂。肥爾亦茫茫。鍾云。住有清且賦。

唐詩歸九卷

盛唐十四
杜甫五言古三

三

詩事迹兩可忘勿矜千載後慘澹蟠穹蒼

四外所對部大洲三
只鏡限來惑三
嶽嶽立咬

唐詩歸第二十卷目錄

盛唐十五

杜甫

後苦寒行

哀王孫

麗人行

杜鵑行

閬山歌

閬水歌

光祿坂行

蠶穀行

題壁上韋偃畫馬歌

戲題王宰

畫山水圖歌

戲韋偃為

雙松圖歌

韋諷錄事宅觀曹將軍畫

馬圖引 奉先劉少府新畫山水障

歌 觀打魚歌 又觀打魚

觀公孫大娘弟子舞劍器行 縛鷄行

茅屋為秋風所破嘆 丹青引贈

曹將軍霸 桃竹杖引贈章留後

漢陂行 憶昔 曲江

秋風 夜歸 風雨看舟

前落花戲為新句 王兵馬使

二角為 別李秘書始興寺所居

登岳陽樓 晚出左掖 春宿左省

端午日賜衣 夜宿西閣曉呈元二十一

曹長 翫月呈漢中王

贈高式顏 奉贈王中允維

吾宗 官定後戲贈 天末懷李

十二白 舟中夜雪有懷盧十四侍

御弟 月夜憶舍弟 舍弟占歸

草堂檢校聊示此詩 又示兩兒

送遠 泛江送客 贈別韋贊善

巫山縣汾州唐使君十八弟宴別兼諸公

攜酒樂相送率題小詩留于屋壁

贈別鄭鍊赴襄陽

陪鄭廣文

遊何將軍山林

重過何氏

陪王使君晦日泛江就黃家亭子

九日諸人集于林

季秋蘇五

弟纓江樓夜宴崔十三評事韋少府姪

宴王使君宅題

後遊

瞿唐兩崖

唐詩歸第二十卷目錄終

唐詩歸第二十卷

景陵 鍾惺伯敬 同選定

譚元春友夏

盛唐十五

杜甫

○後苦寒行

晚來江門失大木。猛風中夜飛白屋。天兵斬斷
青海戎殺氣。南行動坤軸。不爾苦寒何太酷。巴
東之峽生凌澌。彼蒼回斡人得知。鍾云入想落
筆。寄託高深。

譚云誦此等歌想老杜鎔鍊警策彼任其胷中流出而不知檢者識不足也

○哀王孫

長安城頭頭白鳥夜飛延秋門上呼又向人家

啄大屋鍾云此語似謔屋底達官走避胡金鞭斷折九

馬死骨肉不待同馳驅鍾云未出門已相失腰

下寶玦青珊瑚可憐王孫泣路隅問之不肯道

姓名但道困苦乞為奴已經百日窺荆棘身上

無有完肌膚高帝子孫盡隆準龍種自與常人

殊鍾云叙苦楚忽說此氣色語豺狼在邑龍在野王孫善保

千金軀不敢長語臨交衢且為王孫立斯須昨

夜東風吹血腥東來橐駝滿舊都朔方健兒好

身手昔何勇銳今何愚鍾云用愚字對勇銳說義不相倫妙妙竊

聞太子已傳位聖德北服南單于花門務面請

雪恥慎勿出口他人徂哀哉王孫慎勿疎五陵

佳氣無時無

譚云邂逅王孫倦倦有情寫得可歌可

涕○鍾云看他倉卒敘致有節奏

○麗人行

鍾云本是風刺。而詩中直敘富麗。若深羨不容口者。妙妙。○又云如此富麗。一片清明之氣行其中。標出以見富麗之不足為詩。累予之黜帝京等篇。非以富麗之故也。

三月三日天氣新。長安水邊多麗人。態濃意遠。

淑且真。譚云明麗。火肌理細膩。骨肉勻。繡羅衣

裳照暮春。蹙金孔雀銀麒麟。頭上何所有。翠微

鬋葉垂。鬢脣背後何所見。鍾云此語尤善。看美人俗人不肯如此看

珠壓腰。袂穩稱身。鍾云穩稱身三字妙。全不在衣服上看。足下何

所着。紅渠羅襪穿。綈銀就中雲幕椒房新。賜名

大國號與秦。紫駝之峰出翠釜。金水精之盤行素

鱗。犀筋厭厭久未下。鍾云寫驕奢暴殄。入骨。只此數字。鸞刀縷

切空紛紛。綸黃門飛鞚不動塵。御厨絲絡送八珍。

簫鼓哀吟感鬼神。賓從雜遝實要津。後來鞍馬

何逡巡。當軒下馬入錦茵。楊花雪落覆白蘋。青

鳥飛去銜紅巾。鍾云麗而動。炙手可熱勢絕綸。慎莫

近前丞相嗔。

○杜鵑行

君不見昔日蜀天子化爲杜鵑似老鳥寄巢生子不自啄羣鳥至今爲餽雛雖同君臣有舊禮骨肉滿眼身羈孤鍾云羈孤之苦在骨非身歷不知業工窟伏深樹裏四月五月偏號呼其聲哀痛口流血所訴何事常區區譚云三字深爾豈摧殘始發憤羞帶羽翮傷形愚鍾云形愚字妙蒼天變化誰料得萬事反覆何所無萬事反覆何所無譚云如此疊一句卽妙俗筆未

可借

豈憶當殿羣臣趨

○閬山歌

閬州城東靈山白閬州城北玉臺碧松浮欲盡不盡雲江動將崩已崩石鍾云絕妙危語那知根無鬼神會已覺勢與嵩華敵中原格鬪且未歸應結茅齋看青壁鍾云以幽澹終妙

○閬水歌

嘉陵江色何所似石黛碧玉相因依正憐日破浪花出更復春從沙際歸巴童蕩槳歌側過

水鳥銜魚來去飛。閬中勝事可腸斷。閬州城南天下稀。

譚云選杜詩最要存此等輕清澹泊之派。使人知老杜無所不有也。

○光祿坂行

山行落日下絕壁。西望千山萬山赤。樹枝有鳥亂鳴時。暝色無人獨歸客。

鍾云暝色無人獨歸客。妙在暝色無人下。徑接獨歸客三字。老身古寺風泠泠。妙在老身下。徑接古寺風泠泠五字。與甚幻甚。筆力所至。

馬驚不憂深谷墜。草動只怕長弓射。安得更似

開元中。道路即今多擁隔。

○百憂集行

憶年十五心尚孩。健如黃犢走復來。庭前八月梨棗熟。一日上樹能千迴。即今倏忽已五十。坐臥只多少。行立強將笑。語供主人悲。見生涯百憂集。入門依舊四壁空。老妻覩我顏色同。鍾云三字寫得真。說不出。癡兒未知父子禮。叫怒索飯啼門東。

○蠶穀行

鍾云平調不膚。

天下郡國向萬城。無有一城無甲兵。焉得鑄甲作農器。一寸荒田牛得耕。牛盡耕田蠶亦成。

農桑相成。至理格言。不勞烈士淚滂沱。男耕女織行復歌。

鍾云一雙眼。只望天下太平。

○題壁上韋偃畫馬歌

韋侯別我有所適。知我憐君畫無敵。戲拈秃筆

掃驂騮。欲見麒麟出東壁。一匹齧草一匹嘶。

鍾云下坐看千里當霜蹄。時危安得真致此。

鍾云下與入同生亦同死。

○戲題王宰畫山水圖歌

十日畫一水。五日畫一石。能事不受相促迫。王

宰始肯留真跡。鍾云四句。好事鑑賞家。極在行。

高士行徑。自無畫匠氣。壯哉崑崙方壺圖。挂君高堂之素

壁。巴陵洞庭日本東。赤岸水與銀河通。中有雲

氣隨飛龍。鍾云變出花草。舟人漁子入浦溆。山水盡亞

洪濤風。尤工遠勢古莫比。鍾云腕力不同。咫尺應須論

萬里。焉得并州快剪刀。剪取吳松半江水。

○戲韋偃為雙松圖歌

天下幾人畫古松。畢宏已老韋偃少。鍾云朴絕得妙。

筆長風起。纖末滿堂動色。嗟神妙。兩株慘裂苔

蘚皮。屈鍬交錯。迴高枝。白摧朽骨龍虎死。黑入

太陰雷雨垂。松根胡僧憇。寂寞。譚云幽事妙語。龐眉皓

首無住著。偏袒右肩露。雙脚葉裏松。子僧前落

鍾云忽忽通禪。韋侯。韋侯數相見。我有一疋好東絹。重

之不減錦繡段。已令拂拭光凌亂。請公放筆為

直幹。譚云於幽寂後不妨入此一段老放若全是此則粗硬矣。

○韋諷錄事宅觀曹將軍畫馬圖引

國初已來。畫鞍馬。神妙獨數江都王。譚云亦是前起語法

何以不請思其故。將軍得名三十載。人間又見真乘黃。

嚙。貌先帝。照夜白。龍池十日飛霹靂。內府殷紅

瑪瑙盤。婕妤傳詔才人索。盤賜將軍拜舞歸。輕

紈細綺相追。飛貴戚。權門得筆跡。始覺屏障生

光輝。昔日太宗拳毛騮。近時郭家獅子花。鍾云數得

有景有情。今之新圖有二馬。復令識者久歎嗟。此皆

騎戰一敵萬。縞素漠漠開風沙。鍾云風沙日開妙妙其餘

七匹亦殊絕。鍾云畫非馬矣詩非畫矣至今色動何故。迥若寒空動

煙雪譚云橫寫豎寫極磊磊落落霜蹄蹴踏長楸

間馬官廝養森成列可憐九馬爭神駿顧視清

高氣深穩鍾云漢天馬歌曰志倜儻可以言養借問

苦心愛者誰鍾云愛是快心事然不苦後有韋

諷前支遁憶昔巡幸新豐宮翠華拂天來向東

騰驤磊落三萬匹皆與此圖筋骨同鍾云此二語安在此

化自從獻寶朝河宗無復射蛟江水中君不見

金粟堆前松柏裏龍媒去盡鳥呼風

○奉先劉少府新畫山水障歌

堂上不合生楓樹鍾云唐突得妙怪底江山起煙霧聞

君掃却赤縣圖乘興遣畫滄洲趣畫師亦無數

好手不可遇對此融心神知君重毫素豈但祗

岳與鄭虔筆跡遠過楊契丹得非玄圃裂無乃

瀟湘翻悄然坐我天姥下耳邊已似聞清猿反

思前夜風雨急乃是蒲城鬼神入鍾云追寫冥理疑畏交集

元氣淋漓幃幃猶濕真宰上訴天應泣野亭春還

雜花遠漁翁暝踏孤舟立滄浪水深青溟闊欹

岸側島秋毫末不見湘妃鼓瑟時至今斑竹臨

江活劉侯天機精。愛畫入骨髓。自有兩兒郎。揮
灑亦莫比。鍾云從何處插入大兒聰明到。能添老樹巔
崖裏。小兒心孔開。貌得山僧及童子。若耶谿雲
門寺。吾獨胡為在泥滓。青鞋布襪從此始。

○觀打漁歌

綿州江水之東津。魴魚鱖魚色勝銀。漁人漾舟
沈大網。截江一擁數百鱗。眾魚常才盡。棄却譚云
魚何才之有。常才棄却。令人笑絕。赤鯉騰出如有神。鍾云是何曾中。潛
龍無聲老蛟怒。迴風颯颯吹沙塵。饕子左右揮

霜刀。鱠飛金盤白。雪高徐州禿尾不足憶。漢陰
槎頭遠遁逃。魴魚肥美知第一。既飽歡娛亦蕭
瑟。鍾云七字。說得口腹人。敗興抵得一篇戒殺文。君不見朝來割素鬢。
咫尺波濤永相失。

○又觀打魚

蒼江漁子清晨集。設網提綱萬魚急。鍾云急字盡情。便使人有斷能者操舟疾。若風撐突波濤挺。又入小
魚脫漏不可紀。半死半生猶戢戢。鍾云七字寫出常才。譚
云每見老杜寫俚事妙。處。輒歎白香山無才。大魚傷損皆垂頭。倔强

泥沙有時立。鍾云前詩騰出此詩傷損困頓東

津觀魚已再來，主人罷鱸還傾杯。日暮蛟龍改

窟穴。譚云奇想然殺機山根鱸鮪隨雲雷。鍾云

白日欲晦神道設教使人畏而不敢殺矣干戈兵革鬪未已，鳳凰麟

安在哉。吾徒胡為縱此樂，暴殄天物聖所哀。

鍾云觀獵壯事觀漁幽事二詩以壯為

幽然胷中無一段，深心至理亦說不出。

○觀公孫大娘弟子舞劍器行有序

大曆二年十月十九日夔府別駕元特宅見

臨穎李十二娘舞劍器，壯其蔚跂問其所師。

曰：余公孫大娘弟子也。開元三載，余尚童稚，

記於偃城觀公孫氏舞劍器，渾脫瀏漓頓挫。

鍾云六字作事獨出冠時，自高頭宜春梨園

二伎坊內人，洎外供奉曉是舞者，聖文神武

皇帝初，公孫一人而已。玉貌錦衣，况余白首

今茲弟子亦匪盛顏。鍾云此意人說得不能

文不既辨其由來知波瀾莫二譚云波瀾撫

事慷慨，聊為劍器行。往者吳人張旭善草書

書帖數嘗於鄴縣見公孫大娘舞西河劍器
自此草書長進豪蕩感激即公孫可知矣譚

判得靈而承○鍾云斬截有力在一即字每
文字簡妙處似有脫文而解人讀之了然

昔有佳人公孫氏一舞劍器動四方觀者如山
色沮喪天地為之久低昂燿如羿射九日落矯
如羣帝驂龍翔來如雷電收震怒罷如江海凝
清光鍾云此一
語獨妙絳脣朱袖兩寂寞晚有弟子傳
芬芳臨穎美人在白帝妙舞此曲神揚揚與余
問答既有以感時撫事增惋傷先帝侍女八千

人公孫劍器初第一五十年間似反掌風塵湏
洞昏王室梨園弟子散如煙女樂餘姿映寒日
金粟堆南木已拱瞿塘石城草蕭瑟玳筵急管
曲復終樂極哀來月東出老夫不知其所往足
繭荒山轉愁疾

鍾云題是公孫大娘弟子而序與詩情
事俱屬公孫氏便自穆然深思

○縛雞行

小奴縛雞向市賣雞被縛急相喧爭家中厭雞

食蟲蟻不知雞賣還遭烹。蟲雞於人何厚薄。

讀此數語覺放生多事吾叱奴人解其縛。雞蟲得失無了。

時鍾云注目寒江倚山閣。譚云慈悲中生出寂悟

○茅屋為秋風所破歎

八月秋高風怒號。卷我屋上三重茅。茅飛渡江

灑江郊。高者桂罨長林梢。下者飄轉沈塘坳。南

村羣童欺我老無力。忍能對面為盜賊。鍾云奸笑奸哭

公然抱茅入竹去。鍾云入竹妙妙唇焦口燥呼不得。歸

來倚杖自歎息。俄頃風定雲墨色。秋天漠漠向

昏黑。布衾多年冷如鐵。嬌兒惡卧踏裏裂。譚云惡卧

盡小兒睡性牀牀屋漏無乾處。兩脚如麻未斷絕。日

經喪亂少睡眠。長夜沾濕何由徹。安得廣廈于

萬間。大庇天下寒士俱歡顏。風雨不動安如山。

嗚呼何時眼前突兀見此屋。吾廬獨破受凍死

亦足。

○丹青引贈曹將軍霸

將軍魏武之子孫。於今為庶為清門。英雄割據

雖已矣。文采風流今尚存。學書初學衛夫人。但

無過王右軍丹青不知老將至。鍾云此語非負真癖人不

知富貴於我如浮雲開元之中嘗引見承恩數

上南薰殿凌煙功臣少顏色將軍下筆開生面

良相頭上進賢冠猛將腰間大羽箭褒公鄂公

毛髮動英姿颯爽來酣戰先帝天馬玉花驄畫

工如山貌不同是日牽來赤墀下迴立閭闔生

長風詔謂將軍拂絹素意匠慘澹經營中。鍾云

慘澹經營中此入想光景無處告訴只顛狂此斯須九重真龍出一洗萬古凡

馬空玉花却在御榻上榻上庭前屹相向至尊

含笑催賜金。鍾云五字說出帝圍人太僕皆惆

悵弟子韓幹早入室亦能畫馬窮殊相幹惟畫

肉不畫骨。鍾云馬恐使驂騑氣凋喪。譚云骨氣

今豪傑停讀。鍾云韓幹名手老杜說得如此

是何等膽識然今人猶知有韓幹馬而不聞曹將軍畫善蓋有神必逢佳

士亦寫真。鍾云寫即今漂泊干戈際屢貌尋常

行路人。鍾云途窮反遭俗眼白世上未有如公

貧但看古來盛名下終日坎壈纏其身。

○桃竹杖引贈章留後

江心蟠石生桃竹。蒼波噴浸尺度足。斬根削皮如紫玉。江妃水仙惜不得。鍾云說得有骨。梓潼使君開一束。滿堂賓客皆歎息。憐我老病贈兩莖。出入瓜甲皆有聲。鍾云坡公酒從十指中。老夫復欲東南征。乘濤鼓枻白帝城。路幽必為鬼神奪。拔劍或與蛟龍爭。鍾云一杖說出。曾中靈性不平。重為告曰。譚云法奇。杖兮杖兮。爾之生也甚正直。慎勿見水踴躍學變化。為龍使我不得爾之扶持。滅跡於君山湖。

上之青峰噫風塵。湏洞兮豺虎咬人忽失雙杖兮。吾將曷從。鍾云兩肚悲憤。

鍾云調奇法奇語奇而無濼撒之病由其氣奧故也

○漢陂行

岑參兄弟皆好奇。携我遠來遊漢陂。天地驕慘忽異色。波濤萬頃堆琉璃。琉璃汗漫汎舟入。事殊興極憂思集。鼉作鯨吞不復知。惡風白浪何嗟及。主人錦帆相為開。舟子喜甚無氛埃。鳧鷖

散亂棹謳發，絲管啁啾空。翠來沈竿續，蔓深莫測。菱葉荷花靜如拭，宛在中流渤澥清。下歸無極，終南黑。半陂已南純，浸山動影裊。宛冲融間，船舷暝。憂雲際寺水，面月出藍田關。鍾云奇景幽險，怕人四語中。已有風雨鬼神矣。此時驪龍亦吐珠，馮夷擊鼓羣龍趨。湘妃漢女出歌舞，金支翠旗光有無。咫尺但愁雷雨至，蒼茫不曉神靈意。譚云遊船忽生此語，是何中。少壯幾時奈老何，向來哀樂何其多。鍾云結鍾云只是一舟遊耳。寫得哀樂更番無。

端奇山水逢奇人，真有一段至性至理。

相發遊豈庸人事。

憶昔

憶昔開元全盛日，小邑猶藏萬家室。

鍾云萬家室三字古

家室字連讀

稻米流脂粟米白，公私倉廩俱豐實。九州道路無豺虎，遠行不勞吉日出。

鍾云太平景象往往從極

近事

齊紈魯縞車斑斑，男耕女桑不相失。宮中

寫出

聖人奏雲門，天下朋友皆膠漆。

鍾云孔碩肆好之音

百餘

年間未災變，叔孫禮樂蕭何律。豈聞一絹直萬

錢有田種穀今流血。洛陽宮殿燒焚盡。宗廟新
 除狐兔穴。傷心不忍問耆舊。復恐初從亂。離說
譚云愁人問答真境小臣魯鈍無所能。朝廷記識蒙祿秩。
 周宣中興望我皇。灑血江漢長衰疾。

○曲江

自斷此生休問天。杜曲幸有桑麻田。故將移住
 南山邊。短衣疋馬隨李廣。看射猛虎終殘年。
 鍾云寂寥行徑壯。憤心腸盡此五句。

○○秋風

鍾云高寂却是真悲真壯。

秋風淅淅吹我衣。東流之外西日微。天清小城
 搗練急。石古細路行人稀。鍾云幽細有骨不知明月為
 誰好。早晚孤帆他夜歸。會將白髮倚庭樹。故園
 池臺今是非。

○夜歸

夜來歸來衝虎過。鍾云幽甚山黑家中已眠卧。傍見
 北斗向江低。仰看明星當空大。庭前把燭嗔兩
 炬。峽口驚猿聞一箇。鍾云一箇妙白頭老罷舞復歌。

杖藜不睡誰能那。

鍾云字字是夜歸。只似暗中人聲寂然。

疎然。

○○風雨看舟前落花戲為新句。

江上人家桃李枝春風細雨出疎籬影遭碧水

潛勾引風妬紅花却倒吹鍾云上句潛勾引之妙在妬字下句却

倒吹之妙鍾云濕久飛遲說困懶入吹花困懶傍舟楫水光風力俱相怯

鍾云落花精神形態七字寫盡赤憎輕薄遮人

懷珍重分明不來接鍾云珍重分明四字連用有情濕久飛遲

半欲高譚云半欲高三字虧他細心從濕久飛遲中看出

縈沙惹草細於毛神蜜蜂蝴蝶生情性鍾云情性妙矣

偷眼睛蜻蜓避百勞尤妙在生字鍾云靜中閑看

譚云極善寫小鳥小蟲至細至微情景

此詩人中天地也○鍾云是新句不是

填詞是填詞料不是填詞體○又云有

杜此詩千古無落花矣今人落花詩猶

唱和至數十首不已何其有膽而無目

有目而無心也○又云他人是詠落花

便板此詩是看落花便靈此出脫之妙

○王兵馬使二角鷹

悲臺蕭瑟石龍窅哀壑杈枒浩呼洶中有萬里

之長江迴風陷日孤光動鍾云陷日險絕真絕

何關然也有角鷹竦峙飛擊其前又云四語與角鷹

士臂將軍玉帳軒勇氣二鷹猛腦條徐墜目如

愁胡視天地鍾云此天地杉鷄竹兔不自惜鍾

將軍勇銳與之敵將軍樹勳起安西崑崙虞泉

入馬啼白羽曾肉三狡狴敢決豈不與之齊鍾

此語從考荆南芮公得將軍亦如角鷹下翔雲

惡鳥飛飛啄金屋安得爾輩開其羣鍾云開字

驅出六合梟鸞分鍾云一分字便是仁者之勇

中看不過從一飛鳥中發之快然

○別李秘書始興寺所居

譚云光景如見覺字句音旨有鐘鼓報

新晴之妙

不見秘書心若失及見秘書失心疾安為動主

杜甫七言古五言律

理信然我獨覺子神克實鍾云脩行人到頭語重聞西方
止觀經老身古寺風泠泠妻兒待米且歸去他
日杖藜來細聽鍾云敗典事說來高雅可見高雅存乎其人

○登岳陽樓

鍾云尋不出佳處只是一氣

昔聞洞庭水今上岳陽樓吳楚東南坼乾坤日
夜浮親朋無一字老病有孤舟鍾云洞庭詩人只寫其景之奇耳不知登臨時少此情思不得戎馬關山北憑軒涕泗流

○晚出左掖

晝刻傳呼淺鍾云淺字輕妙春旗簇伏齊退朝花底散
歸院柳邊迷樓雪融城濕宮雲去殿低避人焚
諫草騎馬欲鷄棲鍾云避人焚諫草元老話頭

鍾云朝堂詩瀟洒幽細

○春宿左省

花隱掖垣暮啾啾棲鳥過星臨萬戶動鍾云動字之景
在萬戶上看出月傍九霄多不寢聽金鑰因風想玉珂
明朝有封事數問夜如何鍾云前詩結語是大臣之心此老滿肚朝廷

○端午日賜衣

宮衣亦有名。鍾云亦字端午被恩榮。細葛含風

軟。香羅疊雪輕。自天題處濕。鍾云當暑著來清。

鍾云自天當暑用字典甚意內稱長短。終身荷聖情。鍾云感泣

鍾云是近臣謝表語入詩風趣而典

○夜宿西閣曉呈元二十一曹長

城暗更籌急。樓高雨雪微。稍通綃幕霽。遠帶玉

繩稀。門鵲晨光起。鍾云寫景入微檣烏宿處非。寒江流

甚細。鍾云好音節有意待人歸。

○翫月呈漢中王

夜深露氣清。江月滿江城。浮客轉危坐。歸舟應

獨行。關山同一點。鍾云一點似重而微方於同字有情烏鵲自多

驚。欲得淮王術。風吹暈已生。

○贈高式顏

昔別是何處。相逢皆老夫。鍾云十字直無數深婉故人

還寂寞。削迹共艱虞。自失論文友。空知賣酒壚。

平生飛動意。見爾不能無。鍾云感慨語輕細

○奉贈王中允維

中允聲名久。如今契闊深。共傳收庾信。不比得陳琳。一病緣明主。三年獨此心。鍾云為人分窮解語體深至愁應有作。試誦白頭吟。

○吾宗

吾宗老孫子。質朴古人風。耕鑿安時論。鍾云三字道氣衣冠與世同。在家常早起。鍾云老憂國願年豐。

鍾云便說得此人有身分。不待看末句矣。語及君臣際。經書滿腹中。

鍾云質朴人何曾忘世。又云語及二句亦寫得野老於時事聞見不確。遠聽私憂真境在日。

○官定後戲贈

自注時免河西尉為右衛率府兵曹

不作河西尉。淒涼為折腰。老夫怕趨走。

鍾云可憐然亦

傲率府且逍遙。耽酒須微綠。狂歌託聖朝。

譚云二語

是窮人狂人至言託字尤深故山歸興盡。回首向風颺。

○天末懷李十二白

涼風起天末。君子意如何。鴻鴈幾時到。江湖秋

水多。鍾云真文章憎命達魑魅喜人過鍾云大

是實歷語。謂十字讀不得然深思。耐多讀。應共冤魂語。投詩贈

汨羅。鍾云贈字說得精神與古。則淺矣。

舟中夜雪有懷盧十四侍御弟

朔風吹桂水。大雪夜紛紛。暗度南樓月。寒深北渚雲。燭斜初近見。舟重竟無聞。鍾云五字寫舟雪入神不識山陰道。聽鷄更憶君。

○月夜憶舍弟

戍鼓斷人行。邊秋一鴈聲。露從今夜白。月是故鄉明。鍾云只說境舍情往復不可言有弟皆分散。無家問死生。寄書長不達。况乃未休兵。

○舍弟占歸草堂檢校聊示此詩

久客應吾道。相隨獨爾來。熟知江路近。頻為草

堂回。譚云淺而妙鵝鴨宜長數。柴荆莫浪開。東林竹

影薄。鍾云影薄妙臘月更須栽。

鍾云家務瑣屑。有一片骨肉友愛在內。

○又云只覺其真。不覺其俚且碎。由其筆老氣厚故也。

○又示兩兒

令節成吾老。他時見汝心。鍾云老人語堪哭下句尤痛浮生看物變。為恨與年深。長葛書難得。江州涕不禁。團圓思弟妹。行坐白頭吟。

送遠

鍾云妙在八句佳處尋不出說不破○

譚云響與氣渾

帶甲滿天地胡為君遠行鍾云親朋盡一哭鞍

馬去孤城草木歲月晚關河霜雪清別離已昨日因見古人情

鍾云深甚不在不可解而在使人思若以不可解求深則淺矣

泛江送客

二月頻送客東津江欲平煙花山際重舟楫浪

前輕鍾云重字着煙花上便幻妙然下句淚逐之妙又不在輕字而在浪前二句

勸杯落愁連吹笛生離筵不隔日那得易為情

贈別韋贊善

扶病送君發自憐猶不歸祇應盡客淚復作掩

荆扉譚云一出入苦境可想○鍾云江村獨

屏朋友之於人如此非有情朋友處流離羈旅中不知江漢故人少音書從

此稀往還二十載歲晚寸心違

鍾云八句亦完亦渾較帶甲滿天地作

似有差當於分數銖兩間求之

○巫山縣汾州唐使君十八弟宴別兼諸公

携酒樂相送率題小詩留于屋壁

卧病巴東久，今年強作歸。故人猶遠謫，茲日倍

多違。接復身兼杖。鍾云兼字說老態工甚如此

聽淚滿衣。諸公不相棄，擁別借光輝。鍾云不相棄借

光輝書牘套語入詩乃能深妙請思其故

贈別鄭鍊赴襄陽

戎馬交馳際，柴門老病身。把君詩過日。鍾云是處寂寞

一念此別驚，神地澗峨眉。晚天高峴首，春為於

耆舊內。試覓姓龐人。鍾云用得不得

陪鄭廣文遊何將軍山林

風磴吹陰雪，雲門吼瀑泉。酒醒思卧簟，衣冷欲

裝綿。野老來看客，鍾云寫得妙河魚不取錢。只疑淳

朴處，自有一山川。鍾云淳朴中便生出幽生出遠來莫作無趣看故高人於

山水朋友每思此二字

重過何氏

山雨樽仍在，沙沈榻未移。犬迎曾宿客，鴉護落

巢兒。雲薄翠微寺，天清皇子陂。向來幽興極，鍾云

說轉去妙步履過東籬。

鍾云字字是重過何氏。却無著意顧瞻之痕。

○陪王使君晦日泛江就黃家亭子

山谿何時斷。江平不肯流。稍知花改岸。始驗鳥

隨舟。

鍾云寫舟行奇幻入神。

結束多紅粉。歡娛恨白頭。非

君愛人客。晦日更添愁。

○九日諸人集于林

九日明朝是。相要舊俗非。老翁難早出。賢客幸

知歸。

鍾云真得到家。

舊采黃花賸。新梳白髮微。謾看年

少樂。忍淚已霑衣。

○季秋蘓五弟纓江樓夜宴崔十三評事韋

少府姪

峽險江驚急。樓高月迥明。一時今夕會。萬里故

鄉情。星落黃姑渚。秋辭白帝城。老人因酒病。堅

坐看君傾。

○宴王使君宅題

汎愛容霜鬢。

鍾云五字可傷。老杜每用汎愛字。輒入妙。又云汎愛二字庸人受

德高士傷心。

留歡上夜關。自吟詩送老。

鍾云把君詩過日。朋友是

杜甫五言律

何物自吟詩送相勸酒開顏戎馬今何地鄉園
老詩又是何物。相勸酒開顏戎馬今何地鄉園
獨自山江湖墮清月酪酊任扶還

○後遊

寺憶曾遊處橋憐再渡時江山如有待花柳更

無私鍾云無私二字野潤煙光薄沙暄日色遲

客愁全為減捨此復何之


○瞿唐兩崖

三峽傳何處雙崖壯此門入天猶石色穿水忽

雲根鍾云字字是瞿唐他處說天說石猿攬鬚

髯古蛟龍窟宅尊羲和冬馭近愁畏日車翻鍾云

亦是奇語
稍費思耳



唐詩歸第二十卷終

盛唐十五

言原自是遠處林樾再渡時江山如有待
 無私鍾云無私二作野澗煙光薄沙暄日色遲
 谷烈全為滅拾此復何之

○聖唐兩崖

蘇費思耳亦吳杏瑞處使西崖壯此門入天猶石已穿水忽

尋古交龍龍字尊養味冬媿遊綉異日車臨鍾云

